



當 賦 填 詞

清客外集

桂  
林  
雪  
相

紅雪樓藏板

國初三孽鼎沸其間殉保障而死職守與夫合門同盡者如繁星閃爍霄漢汗簡昭垂藏諸冊府海內閭閻之人弗知也若似茫茫古今只此岳鵬舉楊椒山輩數公撐持宇宙而已不亦隘乎 若生太史氣和而性烈每與談史事

桂林霜

張序

日光射人唏噓壯激聲錚錚不可遏齷齪之士輒避去子弗敢厭也今夏太史病瘥兩旬旣愈出新詞一帙笑謂曰此痞語也盍覽之予讀于乙夜乃知爲馬文毅合家殉廣西之難而作揆勢揣聲如見其人如聞其語以至性寫奇人故宜如是予咏嘆之餘嗚咽不能卒讀而家人僮婢咸倚壁拭涕不勝悲哽其所感又何擊歟然特觀之紙上誦之燈前耳假使優孟寫生聲容曲肖其感發懲創之有裨于風教也又可知矣因勸亟付剞劂俾文毅合門靈光浩氣由斯普現大千也豈非忠烈之所甚願乎乾隆辛卯九



桂林霜傳奇自序

而謂國士曰莫義只到即

事自

西興古驛也驛有丞狹隘迫蹙躑躅隨牛馬走官斯者猥俗自厭過客弗顧焉予棲越州六載涉羅紉一江如履闕馬君宏壘來爲丞予輒止行李驛門數與語初以爲馴謹儒士也及君出扶風譜系相示始詳其家世於戲忠義之門顧亦官此耶君曰某家以文毅公難廢世叨恩襲某兄今列佐領固如舊惟某久困一衿鰥居三十年家壁立乞升斗微祿養子女耳豈得已耶予聞而悲之援譜馬氏顯列仕籍者自別駕公起家生廣文公至總督公門乃大

桂林霜

自序

而文毅公挺然繼起殉厥封疆合門靖難年纔四十有四嗚呼偉矣哉先是天啟辛酉遼左兵變廣文公晝夜守城力頗瘁夫人趙氏聞訛言倉卒驅女孫入井牽家人死者四十餘口去康熙丁巳未六十年而廣西難作何其慘也國初三孽跳梁諸臣死者纍纍然目炬脣鋒赫然史冊卽釵笄角巾同任國殤者亦難歷數顧皆慷慨捐生雖難而未極其至也若文毅半載空衙四年土室凍餒餓殍縱橫階吧間虎偃雉媒魃沙魚餌目陳左右而屹然不動卒至喫血常山旋斃柴市偕四十口藁葬尸陀嗚呼可謂極其



馬文毅公傳

馬雄鎮字錫蕃號坦公漢軍鑲紅旗人曾祖重德以貢除  
遼陽都司訓導遷江南太平通判攝蕪湖當塗令皆有異  
政民爭畫其像投劾歸後兩邑祠祀之祖與進字復所亦  
官訓導天啟辛酉遼有兵禍公率民捍城甚力妻趙氏因  
訛言遽驅女孫入井領家人四十餘口同日死父鳴佩字  
潤甫從龍入關以部郎出爲汾潞道數立戰功歷官至  
江總督善治兵尤知人垂老致仕生一子卽雄鎮也

馬文毅公傳

平諸劇盜惠政淪浹十三年吳三桂反將軍孫延齡私處  
通挾夙恨遽斬都統孟一茂等三十餘人勒兵出城遣中  
士圍撫署以僞命遣公衣冠脅降是時巡撫尙未設標兵  
公束手無策易朝服自經家人急救之不死乃遣僕賀鑿  
齋疏遁入京師告變尋又遣承差楊啟祥引長子世濬  
繼則托幕客李子燮朱昉及承差唐守道唐正發挾次子  
世永孫國楨遁延齡賊得之乃迫公遷土室公拔刀自剄  
賊兵奪刀落兵四指公又不得死遂全家被囚者歷四載  
延齡百折之不少居然延齡亦以此感悔觀望不遽赴滇

逆實公持守功也十六年三桂遣其孫世傑收兩粵斬延齡百計誘公降且置盛筵示敬禮公怒罵益甚賊不能堪十月十二日押公至烏金舖使人執公兩幼子相挾制公誓不絕口賊乃殺二子公奪兩頭擊賊遂被害時年四十四有四老僕諸應兆等九人見公死交口躍罵賊駢戮之時眷屬尙羈別室聞公變長媳董氏先投縵繩絕仆地觸首面俱碎復上掛死時年三十有七公妾顧氏劉氏女三姐五姐世濟妾苗氏以次縊夫人李氏坐觀之使各就衾殮然後北向九叩從容自挂時年三十有九其僕婢十八人馬文毅公傳

二

皆殉焉守兵三人感且涕私記各屍焚而瘞于廣福寺後公與三子等屍暴露四十餘日賊將趙天元過其側見展兩臂枕兩兒屍下馬再拜亦殮葬寺側撫蠻滅寇將軍傅宏烈時駐兵梧州孫成陳文煥者亦主室中客也乘變逃匿平樂進士袁景星家具公死事狀匍梧州求傳申奏本號曰趙氏錄三年公奪兩頭擊賊遂被害時年四十四震悼加公太子少保兵部尙書諡文毅授世濟京卿使世承人監讀書十八年正月三桂死宏烈兵敗柳州執至貴陽盡節明年世濟疏請往迎先人骸骨得允先是世定

以飢寒死者凡十九人雄鎮若不聞者日以賦詩臨池自遣姬顧氏本吳中閩秀精通小學說文公撰彙草辨疑十二帙姬皆手爲旁訓之初公出撫

上解御衣以賜及聞延齡伏誅度必死乃以衣授武弁易友亮使藏匿先竄懼汚君賜也世濟至粵西友亮獻衣

述遺言世濟歸奏稱竊嘗願公以朝服軍容然冠花格併

上仍以衣賜世濟遺勳戚大臣奠醊諭祭並賜十二

御書碑文立墓道贈李氏董氏誥命如夫官又特命議授

四客官授守道正發啟祥友亮守備世濟歷官黔撫漕督

馬文毅公傳

三

至少司寇世承以刺史歷運使國禎官江南常鎮道督餉進藏卒于軍子日炳任金華知府長子宏基襲佐領次子宏燠官蕭山西興驛丞公著有笏擊樓集康熙二十二年敕建雙忠祠祀桂林府治祀公及傅將軍宏烈云

馬文毅公傳  
世濟  
世濟

世濟  
世濟

世濟

題詞  
將軍曾說伏波孫捍賊孤忠正氣存六十年來家運厄  
般詩史愴精魂  
紅旗耀日鎮南荒忠義人人自激昂肘腋變生軍跋扈空  
憐腹內甲兵強

大義從容談笑餘圍城土室好樓居可憐淑女簪花格併  
作孤臣泣血書  
銀章理處土花黏肯把恩榮與賊覘早辦黃衫堪報國不  
教紫綺拜孫安

桂林霜

題詞

竈下養皆成國士馬牛走亦樹功名更將特筆書嬰白千  
古鬚眉盡欲生  
表章潛德擅鴻詞演向瓊瑜事更奇踴躍黎園募節義羞  
將笑貌學分宜  
臨汾 王直望 味陳  
三孽雜連戡定難煌煌衷鄂滿長安偏將天末孤臣節演  
出昇平百姓看

一門兩世萃忠賢厄運剛逢六十年碧血輪囷照今古須  
知惡死勝生天

兒女牽衣遣道時儘教鐵漢淚如絲誰知擊賊烏金舖  
雙繡不皺眉

竟草簪花費較讐名姬寶墨最風流丈夫辦得從容死  
空圍城亦雋游

全憑浩氣植綱常竊養義童盡國殤檢點鬪髀三十八  
枝血染桂林霜

人悲卞壺家全覆時較文山死更遲埋印藏衣皆國士  
惟南八是男兒

穴地孤兒捧玉棺西臺遺客作祠官神絃更唱公無渡  
砭  
桂林霜

骨巖霜六月寒

題詞

二

聖世哀榮恩數稠雙忠廟食炳千秋史臣更爲開生面  
付與當場菊部頭

好血榮桂林霜

山陰 平聖臺 確齋

長蛇封豕起南滇破鏡鳴鴉競附羶賴有伏波好孫子  
一條銅柱拄青天

凌兢難度三冬冷嶺嶺常聞五夜啼黠檢賤良男共女後  
先凡十九夷齊

南冠四載鎮幽囚生死真同大海濶萬馬圍中衍筆陣佳

人名士雨風流

二子髑髏血染衣頭顱擊賊手親提忠臣血嗣饒精爽豈  
遜吳鴻與扈稽

精忠浩氣有潛移下格豚魚不自知豈獨霧雲能授命羊  
頭羊胃盡男兒

屍骸橫野野烏飛馬革包纏願亦違收殮由來是賊黨請

君於此驗幾希

丑泥 登我貴 題圖

茶毗都作腦臍香柩襯昇歸選佛場夜半冲天燐火耀人

疑舍利吐奇先

世世常留金銀香印以林澤雷大華山

桂林霜

題詞

三

桃花樂府數東塘仍滯南朝金粉香何似淋漓濡大筆直  
教鶻鵠衍綱常

任邱 邊連寶 隨園

伏波銅柱屹千尋瘴雨蠻烟捧日心忍把勲名埋土室不  
須重唱武溪深

六詔風腥到八閩淋漓畫壁亦酸辛節毛落盡惟存古峯

許同時社稷臣

四比文山多一年橘奴橙婢命同捐失身可以圓圓妓舞  
扇包羞破鏡前

三世重遭慘異常宗支零落姓名香彥回多壽瀛王樂史  
筆窮搜沒地臧

是滑稽文亦典型閒調鳳管續麟經勸忠真有廣長舌寫  
向烏絲教老伶  
酒闌讀曲燭花紅字字驚人午夜鐘兒女英雄恨都雪幾  
人慷慨幾從容

雜南 薛宁廷 補山

烏金月落路昏黃雁影驚寒草着行千古英魂招未得人

間唱徹桂林霜

桂林霜

題詞

四

豫章樂府會傳神墓上尙書恨又新舊院爭誇新誥重當  
時一種顧夫人

吳興 紀復亨 心齋

珍重天恩付賜衣闔門視死竟如歸多君一管含丹筆挾  
得霜稜帶血飛  
不枉西陵渡口行歸來力疾鬪心兵忠肝義膽精靈聚早  
把人間瘡鬼驚

甘泉 秦 贇 西巖

寫來生氣戟髯張螯口分明是桂薑吹度炎荒清似洗河

山新落一天霜  
千林風雨並  
金桂枝凋  
玉露  
愁中兒女也情深  
臺妙親教織手  
臨到得香殘  
拋玉骨斷腸總  
是廣平心

受恩深  
重報恩難  
合演忠良作例  
看豈有負薪孫  
叔子故教優  
孟肖衣冠

藏孤匿跡  
劇壘哀幕  
府當年盡異才  
感我臨風欲長慟  
千秋心事付西臺

全卷錄血  
交  
虞山中  
顧元揆  
端卿

一夕霜飛古桂林  
艱危九死蓋臣心  
直將頑豔同哀感  
譜

桂林霜

題詞

五

出新詞  
淚滿襟

全家碧血委芳叢  
彷彿鶉啼夜月中  
遼海灘江同一轍  
漢京名第重扶風

窈窕幽閨玉雪清  
邯鄲廝養亦崢嶸  
烏金舖下人重過  
似向田橫島上行

軼事流傳秉史裁  
特將生面爲重開  
馬班書法秦黃調  
併入先生腕底來

夢中見  
新安  
吳賢  
魯齋

稻徧新紅  
碧血深  
千秋風雨泣  
烏金封狼旣死  
羆罷殪未

快當年罵賊心  
三十八人俱死  
殉風操凜凜  
激清商龍門  
變格傳神作漫  
比風流玉茗堂

真州江昱松泉

鴻飛猝遇桂林霜  
毅魄忠魂姓字香  
自古傳奇無此筆  
銅

甕鐵板壓當場

主室當年文信國  
全家殉難似忠宣  
賀蘭不救終非計  
漫

特雄關四壁堅

囚繫忠良死節成  
逆藩兵燄勢堪驚  
孤兒遠遁荒城去  
杵

桂林霜 題詞

白程嬰喜並生

顧夫人似衛夫人  
筆札還能見性真  
巢草辨疑詳註釋  
閨

中死事勒貞珉

扶風死後傳將軍  
處處丹心結陣雲  
千古雙忠祠廟在

御書碑碣峙斜曛

獨秀峯前詔遠頒  
袍含雲日照仙山  
編成史筆千秋業  
遍

灑萋宏碧血斑

震澤張棟看雲

錯節盤根萬變嘗  
從容忍死四星霜  
可憐親見雙雛慘  
含

笑歸泉鐵石腸

遺屍顛倒桂林秋冠劍囊欒共一邱三載暫稽淮蔡戮寒泉誰與薦松楸

策草重開筆陣圖彩鸞精楷細箋樞不知玉帶生何處曾伴文山禁室無

炎午曾傳生祭文西臺竹石碎難分間關九死全遺百汗簡青標讓四君

祇園殞啟骨猶香螭首豐碑賜廟堂却笑疑棺三十六曹瞞故智最荒唐

桂林霜

題詞

七

四座青衫有淚痕堂堂史筆仰龍門孤忠畫壁傳閩海擬借宮商更品論

新安 江春 鶴亭

桂林跋扈擁貔貅霜落烏臺夜角收解唱衷忠新樂府漁樵不數秣陵秋

拜章倉猝出圍城憔悴諸郎問道行天末蠻雲望何處章江嗚咽作離聲

大書笏擊匾高懸策草樓中手自編要與侍姬論筆陣怒貌挾石驥奔泉

烏金舖黑喪中丞毅魄貞魂恨不勝贏得夜臺相慰語全  
家長傍佛前燈忠良長帶報忠孝門大將無雙人動魂  
檢屍義士認無差廟號雙忠祀典加莫向橫江歌竹石靈  
旗風捲集神鷗

誦芬得自西興驛秉直原同南董孤想像山堂驅瘴鬼髑  
髏提擲血橫餉

六十年來慘劫身生同慷慨死同瞑司農一擊平生了可

及全家兩代人國心事南來一笑歸口運靈華音鳳吳天

桂林霜

題詞

八

山河殘破得圓圓心事南來一笑捐已娶麗華吾願足又  
從天水下樓船長生同難死同難同難同難一舉平生了可

公子艱難赴帝都兩賓辛苦護雙雛西臺更有同聲哭親  
繪文山死節圖

繼中丞者傳將軍雙見靈旗下彩雲張許南雷先後事詞  
人特筆史公文

愈風蕭土臨燕臺風烈對忠山陰鍾錫圭介伯  
尙書之子廣文孫身是清時忠孝門九乳無聲人睡熟眉

薪二點戒心存丞燦鮑貞賦賦不烈贏齊文臺林燦語全

羣蠻跳月勢難降作難先聞左右江莫恃中原小  
玃焚妖星早閃日南邦一辨徒章萬里豈不出  
盡融潭水眼  
一領宮袍裏御煙星輅催下夜郎天平生食肉  
班超相聞過人間卅六年送謝來對翹首餘全  
頭賦斷裏臣與中日  
大中丞幕客如雲競跨弓刀志策勲一夕蓮花池上聚直  
疑談論動星交設天燄公亟同文計更  
鬼兵鬼馬煽妖魔邪正其如不敵何他日變機生肘腋龍  
泉恨未到孫和謂延齡不憚思為中華劉宋留南雷亟同

本來節烈是家常鈴閣無譁笑語香忽報滇南反吳淠一

桂林霜

題詞

九

時迴首憶遼陽昔餘聞無賴笑語香忽難薰爾又是離  
臬獍何曾解報恩花翎不戴想烏巾睢陽未陷南雷死同

日男兒有兩人王孟兩都統

忍答君恩一劍遲沉沉閭闔返魂時天教公死同文信更

作燕山正氣詩書讀日及志策薰一文藝其上梁前

一顆關防值甚錢擲來漢殿角猶全詎知袖裏司農印日

與樓頭笏並懸默星神道不森瀨天平畫食肉喪談以國

遣奴才往遣兒行一紙封章萬里程不比溫嶠輕作別絕

裾單爲立功名到斗蟻犬聞空古以莫計中風小中焚波

密箒活溪萬死來白雲漸遠望鄉臺故人尚有陳蕃榻差  
勝王孫泣路衰  
趙氏孤難隱袴中誰家複壁許爲傭天生一對扶忠手李  
憲朱雲合傳洞  
士穹會聞齧雪毳新開土室苦拘攣是霜是雪原無別却  
羨蘇卿返國年  
元和書脚魯公筋不是拳痕卽爪痕誰信圍扉清課在烏  
闌紅袖月黃昏  
丁公買主遭烹速何苦甘爲反噬徒到底烏紗幾會戴負

桂林霜

題詞

十

他萬里送頭顱  
還朝望斷錦衣歸尙剩團花七尺圍想得開箱重檢過鮮  
紅添暈淚痕揮  
取義行仁在此朝烏金舖內罵聲高最憐盱眙顏如雪也  
附芳名銅柱標  
夢破全家午夜鐘不煩慷慨有從容怪來瘴墨吹都散七  
朶蓮花倚七峯  
蕭寺殘冬風雪淒相憐亡命匿禪棲形容已改精靈在怕  
聽鄰牆鬼夜啼  
來白雲漣漣望瀛臺故人尙有刺黃

只有唐林風義道如何賊手樹松楸須知先軫如生面不似西僧飲器頭

死節原非要世欽褒忠典自盛朝深一輪寶日中天駐照徹幽沉四載心

化碧埋香土一堆三年無主野棠開白頭畱得闍黎在指說牙牌插記來

竊弄潢池等剎那洗兵洱海慶包戈尉佗黃屋成何用萬古豐碑寫伏波

文章豈賴有團圓忠孝神仙理則然安得赫蹏書萬本直桂林霜

題詞

七

教張許遍街傳忠孝 高文照 秋士

歸天朝辭鼎來忠孝 高文照 秋士

登幽武國嫌心忠孝 高文照 秋士

長宵書林風義道如何賊手樹松楸須知先軫如生面不似西僧飲器頭

死節原非要世欽褒忠典自盛朝深一輪寶日中天駐照徹幽沉四載心

桂林霜目錄一名賜衣記

精製版

卷上十四齣

獸神忠

第十齣

家祭

卷第二齣

粵氛

第三齣

出無弄

第四齣

幕議

第五齣

平寇

第六齣

閩誠

第七齣

叛噬

桂林霜

目錄

第八齣

告變

第九齣

脅降

高文照

秋士

第十齣

遣遁

第十一齣

投轅

第十二齣

再遣

卷下二齣

豐辰

第十三齣

幽禁

卷第十四齣

釋帖

桂林霜第十五齣

誅叛

文信

第十六齣

移帳

第十七齣

完忠

第十八齣

烈殉

第十九齣

客窠

第二十齣

私葬

第二十一齣

議卹

第二十二齣

歸骸

第二十三齣

立祠

第二十四齣

靈合

桂林霜

目錄

二

第二十五齣

靈合

第二十六齣

立廟

第二十七齣

醴酒

第二十八齣

醴酒

第二十九齣

再葬

第三十齣

祭壇

第三十一齣

祭壇

第三十二齣

祭壇

第三十三齣

祭壇

桂林霜卷上公叔臨事賦家劉太平 蘇賦崇孤燕騰當堂

世世山志登限因 大興張三禮椿山評文入發蘇狀

受恩容易博恩難 下鉛山蔣士銓清容填詞入發蘇狀

蘇文白簡立博識 鳳翔楊迎鶴松軒正譜入發蘇狀

提綱

副末上

對主說法

醉江月粵西開府是伏波之後忠臣孝子恰值將軍通逆

寇門外亂兵如蟻兩遣兒孫四周年月半作飢寒鬼滇南

孽到中丞罵賊而死闔門三十餘人同心殉節藁葬荒

涼寺公子投京朝命下萬里屍骸歸矣草帖猶存賜衣再

桂林霜 卷上

第一齣 起而家祭

黃鍾 瑞雲濃生國朝冠服淨 南臺清肅耿耿孤忠自許節

使家門傳繡斧引子 幾回看鏡怕勲業難成年華孤負敢說道

昇平無補

緋衣白簡立朝端頭上峩峩解豸冠獨坐南牀默思省

受恩容易報恩難下官馬雄鎮字坦公漢軍鑲紅旗人

也世居山左登州因始祖英公作尉關東遂入遼籍先

曾祖重德公以訓導起家陞太平通判崇祀蕪湖當塗

令人發深省

性生所結

兩邑名宦。先祖與進公亦官學博。高才特識。曾却經畧。胡熊延粥之聘。雅負當時重望。先父潤甫公諱鳴珮。從龍入關。屢立戰功。歷官兵部尙書。出任兩江總督。順治十年。以目疾致仕。終老林下。下官以大臣子弟。選用起家工部。遷僉都御史。國史院學士。蒙恩改擢右副都御史之職。原配張氏。乃山東巡撫儒秀公之女。芳齡早逝。吉夢未符。今繼配李氏。乃北直巡撫廷機公之孫女。正靜幽嫻。夙明大義。誕生二子。長男世濟。次男世永。芸臆相倚。奮志詩書。庶出二子。世洪世泰。皆在孩提。長媳董

桂林霜

卷上

二

氏端重。宜家生。下孫兒國楨。亦多聰慧。下官世篤忠貞。心堅金石。自覺隨班備位。虛生三十六年。若使積愧。登庸不願。二十四考。茲當康熙八年十月十三日。爲先祠家祭之期。諸應兆祭筵。可曾完備。淨完備了。生請夫人等出來。一同行禮。淨請介老旦滿妝補服上。白。唱。傳言玉女錦誥霞裾。漫比合妻賢母。把青史閨人細數。小生衣帽正旦滿裝全上。烏巾翠袖。愧膝下佳兒佳婦。小旦貼旦扮童子上。竹林雛鳳。絲衣雙舞。唱。老旦相公小生正旦小旦。爹爹貼旦爺爺生夫人世洪

世泰爲何不抱出來。老旦三兒四兒俱感風寒。適令願  
劉二姬在裏面照看。生原來如此。祭席已完。我與你帶

領兒孫詣家祠行禮去。老旦相公請合。

過曲啄木兒。蘋蘩潔牲幣俱宜。祀之辰筵豆舉。場上設幔香

案。副淨末外各白鬚頂帽補服扮三代先靈暗上列坐。介  
淨遞香爵照常以次排立。介淨請上香。生祖父在上。不孝  
雄鎮夫婦謹領兒孫虔備香帛用申三獻之禮。伏惟昭格  
拜介願先靈鑒享微誠佑後人式啓前謨。不孝雄鎮待罪  
烏臺恭逢聖世無闕可補。惟有吳三桂開邸雲南財賦充

桂林霜

卷上

三

勿辟官贖貨招集流亡驕恣日形略無顧忌。前有御史楊  
素蘊直斥其奸。反爲三桂銜恨。後以糾參無實。坐貶而去。  
倘不幸其言有中。怕金馬碧雞相向哭。便長蛇封豕也。  
須煩捕雄鎮。苟當其任。誓不與賊俱生。三靈點首。彈淚介  
生敢讓。他許遠張巡兩丈夫。

起立介。老旦相公何必過慮至此。

前腔山河壯。將相儲萬里。籌邊有襄鄂侶。生夫人說那里

話來。爲人臣子。天下大事。那一件不當引爲己任。設若會  
逢其適。夫人你便怎生主見。衆掩泣介。老旦此不祥之語。

不幸之事。妾何忍言。問何來。夫貴妻榮。敢忘却主憂臣辱。淨咳呀。老爺夫人。這些事都好預先計較的。當此太平世界。那里見得出來。卽如小人吃齋念佛。也不會認真要白日飛昇。果然遇見那刀山劍樹的輪迴。就挺身頑他。頑也不過。人生一世耳。生老且說得是三靈點首相笑介。淨便生來命該爲奴僕。到死時身要爭朝暮。小人叫做諸老道。却不道夕死朝聞。也不是迂。

礙上現彩雲。出忠孝節義四字。三靈暗下小生呀。香烟燭彩。結成忠孝節義四字。方纔爹媽這番苦志。敢是先

桂林霜

卷上

四

靈默許也。淨奇哉奇哉。生我等就此拜謝合。志道哉。三段子祥烟一縷。接心香。無諸有諸。銀花兩株。照丹誠。特書大書。是祖宗浩氣相凝聚。要兒孫定力同擔負。抵多少獨立趨庭來告語。

生老道撤下祭筵。兒孫們退去。聚下生夫人。我笑介。尾聲平。生義烈。同伊訴也。只爲食人之祿。老且相公忠義之事。亦是水到渠成。但素位而行。不須意必。莫羨他滿眼

兵戈一腐儒。下

第二齣

粵氛

回未夫貴妻榮。敢忘却主憂臣辱。

北仙點烽昏隊子引中五嶺天西諸蠻如鬼丑戎裝上烽  
烟起誰識兵機淨僧裝上貽笑英雄賊

青草黃茅瘴霧連長鎗大劍倚南天將軍銅鼓無多在

賣與蠻兒算酒錢中淨俺右江王莫扶化丑俺左江王

楊其清國師在上孤等打恭淨二位大王少禮方今春

日晴和正好縱兵劫殺諒那將軍孫延齡庸懦小人不

諳諳翰略又與都統王永年孟一茂等意見不合疎于防

守俺等正好乘機攻破桂林以成大事中淨丑國師算

出萬全衆蠻奴就此起馬衆吶喊走陣介

桂林霜

卷上

五

油葫蘆不怕魚壇上平明大將旗問誰人能聚米看了俺

天魔千萬劍花飛覷着他移營借餉同兒戲却不道賊如

梳還讓官如鏡可憐他撇不下子與妻可憐他使不來鎗

和戟靠將軍運走長生地有甚麼八面戰場威

淨俺鬼兵已曾練就二位大王只管長驅直入便了二

賊全仗國師法力廣大也

煞尾共挽翠時弓去向堯天吠踏破他高城大壘遙望櫓

檣橫井鬼想是俺王氣斜飛統領着赤腳生黎多採些糖

結伽南薰御衣俺和你結紅巾兄弟做草頭皇帝還靠這

老空王一箇大門槌下

戲到第三齣內出撫心放陳中音神懣蘭主縣黃吏書

過曲剔銀燈生領僕捧賜衣上承恩命提封廣右開幕府軍符如

斗聽龍城萬馬爭馳驟憑方畧削除羣寇俺馬雄鎮適蒙

聖明召對恩授廣西巡撫特賜重御衣一襲用昭寵在且

回私第囑令夫人束裝下官即日起程便了鳴騶把邊情

細籌纔得遂班生壯遊內奏前線生此後皇上執纜隨去

老旦引淨上天上一封丹鳳詔門前三丈碧油幢恭賀

相公上承寵眷出掌封疆生纔免山右之行又拜廣

桂林霜

卷上

六

西之命初膺重任恐負殊恩諸應兆你在家伺候夫人

公子束裝擇吉啓行我今日卽星馳赴任去矣淨曉得

老旦相公請問盤中所捧何物生此皇上特賜御衣

夫人敬謹收藏了隊子上淨稟老爺兵牌驛馬俱到門

外生夫人暫別老旦相公珍重引淨下生吩咐起馬行

介合內奏馬奔驛驛使武畧贈劍犀鏡

泣顏子浙米向矛頭鞭影遙揮南斗旗門開處功名三十

通侯飛而食肉抱陰符小范胸中有斬樓蘭生縛黃支畫

麒麟歸來黑首下

卷之四 第四齣 幕議

末蓮花幕下寄閒身、外抱牒曾陪史院人、小生賦罷登樓艱、第中淨諸侯賓客暫相親、末俺原任淮安司理同州進士李子燮、外俺原任翰林侍詔休甯朱昉、小生俺大與舉人孫成、中淨俺上虞布衣陳文煥請了、坐介末我等同作馬大中丞幕客、主賓投契不異情親、朋友相依如同骨肉、馬公自到西粵以來、政令更新、規模整飭、似俺管刑名章奏所辦的、如復邊俸、斥蠹員、弛禁約、興民利、清鹽政、勉勞吏、一一舉行、外就是我管錢穀所

桂林霜

卷上

七

辦的、省米價、停採買、蠲羨餘、亦皆次第就理、中淨他若絕饋獻、葺學宮、飭士行等件、都是孫先生文筆敷宣、便覺詞嚴義正、只有我挂號的、一無見長、不過爲諸公劾勞而已、衆陳先生言重了、小生今可恨者、蠻江兩賊未除、兼倚妖僧助虐、塗炭生民、使馬公且晝焦勞、我輩如何叅贊、外不必過慮、撫標雖無兵馬、幸有王孟兩都統、心懷忠義、想妖氛尅日可靖也、

仙呂 皂羅袍 辦取王師殺賊料、區區螳臂何足當、車管教過曲、赤手捕蝥蛇、會看陰火燒榕葉、况兩賊呵不比徵貳徵側

豈待宗爺岳爺有甚龍潭虎穴不過鴉林鬼豈待三更定

報崑崙捷

末此誠不足患却是吳三桂坐擁雄藩將來必倡大亂

廣西脅輔相連但恐封疆延禍矣

前腔說甚灘江三孽夜郎王居然聲勢嘩怕長城飛鳥

少牆遮天山傳箭無人射中淨小弟頗精星相之術連日

細推馬公度限又竊觀其五官部位應在四十四歲合遭

奇禍今年三十七歲尙好一交四十一歲便不妙矣衆如

此怎了小生我聽馬公言論激昂志趨慷慨常云大丈夫

桂林霜

卷上

八

臨事當有責育不可奪之大節今聽陳先生推測正忍不

免耳外末士爲知己者死若果不幸我等誓當始終相助

中淨自古田橫島上紛紛俊傑便是文山幕下昭昭衆客

難道是各人自掃門前雪

丙老爺請各位師爺說話末來了正是孤臣矢志防天

變義士同心守歲寒全下

第五齣 平寇

淨僧裝仙呂人

持劍上雙調 二犯江兒水白蓮仙教掌管遠白蓮仙教

殺人如刈草把豆人紙馬布滿荒郊搶江山憑這遭俺習

邪教爲僧輔着朱炷假冒前朝宗室拜我國師糾谷左江  
右江巨寇擾亂廣西已久無人抵敵近日食朝廷特用馬  
巡撫看他善介書生倒有三分本領今日王孟兩都統提  
兵邀戰須索放出白蓮神將擒他便了申淨丑土賊黨膽  
真豪王師戰莫塵守着山坳圍着城壕官糧奪來喫箇飽  
國師在上孤等今日出戰吉兆如何伏求指教淨併力廝  
殺俺自有神兵相助吶喊走陣介劉家夫刀是兩箇劉家  
大刀姚家廣孝又一箇姚家廣孝捉住他軟將軍定不饒

下外末戎裝領兵上音南雷無號引公濟同日譚書心戲  
桂林霜

卷上

九

前腔南雷旗號雙打着南雷旗號把么膺同日勦看沙場  
衛霍虎帳蕭曹兩家軍難動搖外俺都統王承軍末俺副  
都統孟一茂外奉撫軍馬公之令合勦莫楊三賊疏此出  
城未聞妖僧邪術利害亦須準備外不妨適纔馬公密將  
欽賜御衣交付與俺云若遇妖兵便將此袍展開撒去仰  
仗聖主威靈自然萬邪俱滅矣末既如此軍士們奮勇  
前去殺賊者吶喊介內史鬼兵挑將軍面具拋說甚黃巢  
說甚儂高雷霆一轟何處跑淨暗立高處介丑申淨丑與  
外末接戰介丑申淨佯敗下淨持劍訣指鬼兵出戰外持

御袍一撒鬼兵散走外未擒丑中淨介淨事逃走介破呀  
 不好了我這軍師不穩了不如取出隱身草來遮住了罷  
 取草插頭註閉目立介眾兵止捉介淨胡說你們不看見  
 我如何混捉起來眾禿賊我們怎不看見你淨哪我頭止  
 有隱身草眾隱身草隱身草一刀把你這葫蘆切斷了淨  
 且慢且慢殺便讓你殺你到底不會看見我殺介外味上  
 妖僧伏誅二賊生擒就此收兵入城向撫院報捷去合金  
 鞭共敲笑吟吟金鞭共敲貔貅移竈齊匝匝貔貅移竈請  
 看這出茅廬第一遭下

桂林霜 卷上

十

第六齣 閨誠

琪滿粧台引呂卜算子牆懸舉案圖壁寫家人卦梧竹陰  
 中兩鳳栖莫被金丸打此戲法入舞

且列女傳雅類展玩江南詩好細吟哦居常處變求無忝  
 賣地皆然未足多奴家董氏年方二十四歲乃現任由  
 建東陵縣令君實公長女廣西巡撫公子馬世濟之妻也  
 東家父三韓世族一榜名家奴家幼習詩書喜談節義自  
 隨公婆赴任已來不覺三載我公公勤勞王事夙夜在

陪公婆婆內政嚴明不遑安逸奴與馬郎孝敬承歡庭闈



諱苦其  
甘如薺員毅  
所見六批畧  
同

讀屏六批畧  
甘如薺員毅  
所見六批畧

及孀母羅氏王氏還有四叔祖母胡氏則割腹而死。祖姑  
適田門者。觸柱而死。適王門者。排牆而死。姑母適下門者。  
嗌喉而死。痛捐軀一家。痛捐軀一家。或投繯同掛。或磨斧  
自殺。等泥沙。且此雖一時不幸。却是千秋正氣。青史流芳。  
婆娑也不必感傷了。小旦妾前日在老爺草書帖內。曾見

趙太夫人本傳。不覺心痛。謬作長歌一首。紀事謂巾幗之  
人。庸碌而享富貴者。遍天下。若趙太夫人。可與日月爭光  
矣。歎美人有壽未為佳。算芳名不朽纔非假。老旦顧姬所

言信為正論。貼夫人依妾身看來。凡男女臨難。稍有名心

桂林霜

卷上

七

者。即非上乘。此不遇。隨遇而安。豈復知捐生。效死為迫于  
患難者乎。只當逢場作耍。博個臨危不差。老旦妙哉。劉姬

所言。更覺去來無礙。生死自然。看你小少年紀。却有這些  
見解。須知醴出原無竇。信是蘭生自有芽。

且媳婦想起來。前年家祭之日。爛彩香烟。結成奇字。莫

非是趙太夫人示現麼。老旦這也說得有理。丑婢止報

夫人不好了。朝報到來。說雲南吳三桂造反。聖旨復

起孫延齡為廣西將軍。老爺出城迎接去了。老旦咳。東

南從此多事矣。丑下西。媳婦我聽及頃。隨聲而哭。斷哉

一封書跳梁起。怒蛙故將軍新戰馬。漁陽鼓亂搥。莽烽烟  
 誰撲打。那孫延齡與王孟兩都統。向有仇隙。此來必圖報  
 復。莫問鄉鄰爭鬪事。只恐蕭牆生禍芽。且朝廷赦以不  
 死。又復棄瑕錄用。使之專閫。未必敢手尋釁。萬幸與波。公  
 公自能箝制。老且媳婦。你不知道。撫標無兵。權歸將帥。你  
 公公縱有應變之才。其如討賊無助何。拂袍花。建高牙。怕  
 赤手長鯨不可拿。王亦齊感文撰本景黃西洪軍前戲  
 內鼓吹介老爺回衙了。隨我進去。全手入戲隨君言

第七齣

叛噬

桂林霜

卷上

七

際子引淨扮仙呂入 普賢歌看來天意在雲南不戴烏紗  
孫延齡上 雙調

也是愁悄悄地受官銜蠟丸通兩三殺盡讐人纔認得暗

哨孫延齡乃定南王孔有德女婿本是廣西將軍前被

都統王永年孟一茂上本殺劫幾乎性命不保被我千

公方百計纔得瓦全今因滇藩起兵咱得官還舊職我想

吳三桂國富兵強必成大事昨已遣人私下降書蒙他

收用本待另立旗號改變衣冠礙着王孟二賊恐多掣

肘况他是我仇人若不先行殺却將來難遂吾志那馬

一巡撫一個書生又無兵馬不足介意左右今日甚麼日



逗押印戴衣

做兩個厲鬼來。便彭生伯有多遺憾。且把你頭顱雙砍。外末都統乃天朝上將。你敢擅自殺戮。那馬撫臺斷難饒。你淨不須過慮。他少不得就到鬼門關來奉陪。外末阿呀。罷了罷了。淨他只有大關防文書一函。黃金甲是領舊朝衫。

特繪表之

左右將這兩個拿去。同官廳各將一齊斬首報來。卒得令押外末下。卒持首級上介。啟將軍這是王永年孟一茂首級。又一卒這是副都統戴良臣。參領徐文登首級。又一卒這是佐領嚴朝綱。分得撥什庫。時有鳳首級淨。

桂林霜

卷上

五

掛向轅門示眾。三卒回應下。淨妙哉。眼中拔去二釘。背。上猶存一刺。眾軍士即速前去。將巡撫衙門團團圍守。

本帥即刻提兵出城。向三十里外安下營寨。一切公文。移會不得賞發。俱送本帥拆看。眾得令淨。

前腔把行衙圍緊似繭中蠶。禁止軍民窺探。要書生俯首。歸依咎洩機密。一齊收斬。明日將此情節報知吳王。定頒厚賞也。把開國元勳自擔威名播。似章邯繞場下。

第八齣 告變

內吶喊生南。急上介。呂太師引鎮封疆。麾下無兵將。閉軍門。教我將。

何抵當。下官馬雄鎮承命巡撫廣西三載。去冬吳三桂反。叛雲南。已覺憂連唇齒。不料將軍孫延齡私通逆賊。今日公然作亂。殺害各營將帥。勒兵出城駐扎。又遣兵馬圍我衙門。不許文書出入。我手無寸權。身餘一劍。焉能支架。得注罷罷。惟有一死報國而已。換朝服介念奉職孤臣。無狀不能支。變起倉皇。北向跪介。臣馬雄鎮孤立無援。不能討賊。罪該萬死。謹望闕叩謝。天恩。含羞九地。犬馬丹誠。來生圖報。叩頭哭介。歎力薄難勝保障。孤負這河山雄壯。起結帶上掛介。愧一死鴻毛。自傷。怎能學江淮遮蔽老。睢

桂林霜

卷上

去

陽。縊介淨扮老道上

三學士門外兵戈纔擾攘。主人甚法籌量。砲火連天。喊聲震地。衙門圍得鐵桶一般。不知老爺何處去了。呀。不好了。夫人公子快來。老旦小生奔上。遍尋踪影。爭疑訝。忽聽驚呼欲斷腸。老道怎的來。淨老爺自盡了。同哭介。淨且慢悲啼。一同解救。共解生下。扶坐介。且董氏持湯盞。小旦世永貼旦國禎同奔上。盡室魂飛無話講。灌一口返魂湯。

同叫生甦介生

宜春令排闥闖。訴上蒼。驀然聞游魂墜。將老日老爺醒來。

生夫人我束手空衙偷生無益你們何苦多事小生方纔  
賀徽上樓眺望牆外兵馬雖多却無一人敢入轅門雖咆  
那吶喊之聲乃孫延齡提兵出城並非前來加害爹爹倘  
須畫一長策爲是生罷罷罷我當忍死立草一疏遣人飛  
奔京師告變去爾等且退老旦且小生小旦貼旦掩泣同  
下老道研墨生寫本介裂麻封事邊城鬩卵難名狀廣西  
巡撫右副都御史臣馬雄鎮奏爲密報事本月二十七日  
將軍孫延齡將都統等盡行殺戮發兵遠駐城外三十里  
又埋伏兵馬將臣衙門圍守一應文移不許發發盡行拆

桂林霜

卷上

七

看臣叨任封疆表惟死殉然恐徒死無益只得小忍須臾  
以待援兵如不能待臣亦惟合家殉難以報隆恩封疆將  
陷刻不能支除設法密報提督外專差家奴賀徵間道潛  
逃匍匐上奏伏乞天聖裁拯救速解倒懸封疆幸甚官民  
幸甚要祈求廟算威靈來殄滅鯨波鰐浪封介下拜介我  
這丹心一點至誠向天稽顙奏書  
賀徵來丑上有生你將此奏疏緊密收藏連夜踰牆  
混出城去星馳到京向朝門遞上不可有誤丑小人曉  
得交奏疏丑納懷內叩辭介老爺保重小人去了生去

罷洒淚下生諸應兆。你家世代銅匠。你可曾習學麼。淨

小人自幼隨着父親。在禮部鑄印局承值。不但別的銅

器。就是官印。都會鑄造。生如此妙絕。懷中取印出。介此

乃巡撫關防一顆。你可卽忙將銅器銷毀。照樣鑄成此

印。淨老爺私雕假印。是有罪的。小人怎敢生胡說。依我

吩咐淨老爺要兩顆關防何用。生你那裏曉得。我看孫

賊如此光景。必來奪我印敕。朝廷重器。豈可輕落賊

手。故爾預先辦理。淨老爺如此遠慮。小人就去起爐了。

大趵鼓把銅斤一火煬。親摹文篆。製造精良。生愧不能騰

桂林霜。卷上 大

符倒用搜奸黨。只好死抱金章。座北卽。兩又吶喊介。隨我

登樓眺望去。且倚着北斗欄干。遙望帝鄉。全下

### 第九齣 魯降

丑扮孫延基引末小旦二 四邊靜丑送來圓領烏紗帽

兵持紗帽圓領敕書上 呂 式樣雲南造管取拜新恩無須衍虛套俺孫延基奉兄弟

將軍之命將雲南頒到衣冠及兩廣總督敕書一道送與

馬撫院勸他歸順只得前去未那馬大人是個忠臣只恐

不受丑若還不要也難丟掉發往戲箱中將就賣錢鈔

我坐在官廳你去通報末號房號房巡捕官巡捕官人

影都不見一個老爺聽稟。

計想人扣門五游代請

前腔號房號簿沒處找。巡捕官也溜了。號禮沒人爭。門包

都不要。丑難道一個人也沒有麼。末只有一乘八轎三尊

空砲。大門打不開。請爺自家叫。

如來真面有人

丑待我來叩介開門。中淨門軍上大老爺年年辦事辛

苦。今年要將息將息免你們上衙門。明年來罷。丑胡說

若不開門。我們放火了。中淨開了你們何處來的。這等

要緊。噫。想是辦春官的麼。丑好打。還不叫二門。中淨駭

計開二門。外門軍上什麼事情。呀。送戲來與大人解悶。

桂林霜

卷上

五

因何不棹箱子來。單拿這頂紗帽。丑我們將軍差來要

見大人的。快叫宅門。外這個弄不來。

不扣二門中

前腔宅門緊閉難通報。只有個諸老道。他年高耳朶聾。請

爺大聲叫。小的們悶的口燥。坐的肉跳。今日喜開門。且出

去看熱鬧。

中淨

全中淨下丑不成樣子待我叫來。裏面有人麼。開門開

門。淨老道上。

前八世

前腔關防鑄就天知道。轉桶甚人叫。葷腥久斷除。水菜向

誰要。丑開門。淨向轉桶窺介什麼人叫門。丑我乃孫將軍

通抄

器

正爲不知老  
著者嘆嗎

快話

升

快話

差官要見大人的快開門淨有何話說丑雲南有敕書封  
你大人做兩廣總督現有紗帽圓領送來快去稟知出來  
迎接淨笑介這般封號這般衣帽莫說大中丞我老諸也  
不要

候着我進去說一聲來末如何我說這禮物送得不妥  
一定要壁謝呢丑且等他出來淨上來來夫人說

前腔這都堂只有你將軍要謀反真胡鬧丑紗帽圓領是  
要收下的淨大人說你家將軍又不是前朝舊宰官又不  
是戲子裝強盜既要謀反就大方些索性把撫衙燒掉撫

桂林霜

卷上

三

臣殺掉何用逞威風遠遠放鎗砲

丑將軍說大人不受總督之職可將巡撫勅印交付我  
們帶去淨候着待我再去稟末不受禮物反要他的東  
西如何使得丑且看他捨得麼淨持敕印上來來來這  
敕印你捧了去遞出介末

前腔大人說關防一顆同丹詔而今都不要叫你將軍郎  
來兼攝我病體怕爲官他君恩自圖報還有六句話說若  
要大人腦袋早些來割了去話已說明去罷不須囉唆不  
須聒噪我老人家連日筋骨疼進去睡一覺



音獻  
轉位至情

六七真幾

白描  
第六八之

三  
音獻

恨發

淚滴聲

六寸轉婉

轉句至情  
音暢

木道上爹爹有何吩咐。生逆勢雖深。人心自回。若得一旅

之師。疾攻其死。加以從中策應。破賊可期。我欲再寫一

疏。付汝潛行。托上。倘得所請。勝于相聚待死多矣。你可

願去麼。小生我家世受三國恩。當此危迫。孩兒寸心如

割。恨不手刃延齡。以雪君親之恨。若得借此請纓。庶不

虛生人世。生好。這纔是我馬雄鎮之子。老道你可密喚

承差楊啓祥進來聽用。淨應下。生孩兒即刻束裝。我進

去寫本也。下。小生母親娘子快來。老且引且上。

梧葉兒遭窮困。遇顛危。楚囚般相向啼。此中洗面但餘清

桂林霜。卷上

淚呼喚堪疑。莫不是接兵至矣。音向朝與中。音向朝與中。

我兒何故慌張。小生母親時事已急。爹爹遣孩兒齋本

潛逃。赴京請救。少刻就要起身。故請母親出來拜別。老

且戎馬倉皇。兵戈滿眼。你一個瘦弱書生。如何去得。兀

的不痛煞我也。音向朝與中。音向朝與中。音向朝與中。

二郎神風烟遠。甚書生代王臣勞瘁。更出入蠻荒生死地。

家懸虎穴。此行不但生離。小生母親請免愁煩。有弟三人

歡繞膝。况復有童孫堪戲。娘呀。你且免悲啼。只當做當年

未養孩兒。且音向朝與中。音向朝與中。音向朝與中。

中

前腔。凄迷傾翻瘴海，都成別淚。怕骨肉今生難再會。雙親未老，風塵不見，蓑衣小生。娘子何出此言。且相公事已至此，同困無益。你此去若得一旅以救生靈，實乃廣西之福。設有不幸，我普當有以相報，斷不貽羞夫子也。小生泣介：娘子盡心侍奉，不要念我了。那無子人家，全靠媳兒。不是封侯夫婿，相抱大哭介：妻呀，你且免悲啼，只當做生來。黃鵠單棲，生持本上。

白描刺骨  
奪元人之席

黃鶯兒九死志難移，答君恩一劍遲。封章血染孤臣涕，夫入存亡未知。媳婦團圓可期，男兒各有當為事。我兒免悲啼。登車慷慨，豪氣自淋漓。

三樓學情

淨上：楊啟祥喚到了，生夫人媳婦進去罷。老旦：孩兒早去早歸，且相公保重。泣下淨引丑上：楊啟祥叩頭，生聞賊營連日大宴，必定疎防，你可與大相公改裝星去。穴牆而出，同赴京師。一路須要十分小心。丑：理會得。小生：孩兒就此拜別。生罷了。本章一封火牌二道，你收好了。小生收本拜哭介。

三樓學情

簇御林情無奈，事不齊痛牽衣。初別離受熬煎，短盡了英雄氣。把叛逆同兒戲，生自禁持函關夜度，辛苦聽鳴雞。

白描刺骨  
奪元人之席

簇御林情無奈，事不齊痛牽衣。初別離受熬煎，短盡了英雄氣。把叛逆同兒戲，生自禁持函關夜度，辛苦聽鳴雞。

甲

簇御林情無奈，事不齊痛牽衣。初別離受熬煎，短盡了英雄氣。把叛逆同兒戲，生自禁持函關夜度，辛苦聽鳴雞。

大淨付丑行李小生引丑下生天賦你約奇異平骨肉重  
尾聲閃天狼橫妖誓羞煞我四郊多壘兒呀誰願你壯士

還家着錦衣下不眠掛輝輝門令蕭蕭息望甚猶待

第十一齣 投鞍 寶劍刺深精鐵限一

小生馬世濟持傘丑楊中呂粉孩兒合慌慌的度蠻疆天  
啟祥持卦命招牌全上過曲粉孩兒合慌慌的度蠻疆天

樣遠竄淫溪毒嶺崎嶇都遍割愁峯如劍青刺天助哀吟

杜宇江猿張鬼引虎過驚跌介虎咆哮鬼教周旋丑猩猩

並肩醉行遇又驚跌介獸爭奪人立啼喘西不費五十

篇中日月皆  
持書

我馬世濟四月初一日奉父親之命齋本往京同楊啟

桂林霜 卷上 語

山中日月皆

祥改裝星士模樣從地道連夜遁出千辛萬苦九死  
生歷遍廣西湖南深林密箐得入江西界內不覺五十

二日矣楊啟祥遠望高閣倚空層城壓冰是河地方丑

大相公那就是江西省會南昌府城了小生如此道行

和你到巡撫衙門去下做官合謝謝

紅芍藥楊僕死地少樓船宸濠滅氣靜烽烟一樣的江山

太清宴擁油幢不知征戰轅門令肅無鳥喧甚郎君讀書

庭院小生楊啟祥老爺夫人此時不知怎的光景泣介丑

大相公不要思量罷合料忠良天地矜憐待昇平骨肉重

境同情異惟  
自知耳

反擊

此篇出着全  
是史家附見  
筆法

面玲瓏

見下中淨補套朝珠扮中軍上

續中齣演會公圍困連日

耍孩兒鼓角聲沉無羽箭坐聽炎荒信建牙旗幕府森然

俺乃江西巡撫中軍官早鼓已過各官俱散且向轅門少

憩片時坐介丑上誰憐貴公子來謁老諸侯丑總爺在上

小人叩頭中淨你是什麼人丑小人是廣西巡撫衙門承

差奉家爺命合跟隨大相公齎本上京的特來叩見大人

煩爺通報中淨有何憑據丑火牌呈驗這是家相公名帖

中淨果然不差聞你廣西大亂你們大人如何辦理丑末

爺通報過了小人漫漫的再稟中淨外面候着待俺傳進

桂林霜

卷上

五

去分下末扮董樞院引二僕上休衙恰纔得退食僉文卷

又聽說有客來投見看名紙心疑眩太下官江西巡撫董衛國是也坐鎮南邦心懸邊事適有

下官江西巡撫董衛國是也坐鎮南邦心懸邊事適有

馬公子投刺求見不知粵西如何下落好生驚訝左右

快請馬少爺進見權請介小生敝衣冠上奔馳到此存

皮骨襤褸魯經識亂離夫人請台坐容世濟拜見末咳

呀世兄如何這等光景不要行禮請坐閑話休講我且

問你尊公大人可安好麼小生世濟起身時家君尙爾

無恙末如此還好向聞孫延齡作亂將尊公圍困數月

此篇出着全

是史家附見

筆法

以來無從探問消息。世兄你且把近况試說。我知小生  
大人聽稟。家君呵天盡邊難憑夢

會河陽困羽囚。鱗微軀拚捐。封疆將陷豈求全。末那督提

兩處為何擁兵坐視。小生家君孤立無輔。前已飛章告變。

孫賊屢以偽命見逼。家君閉門力拒。不與相通。為此着世

濟領二承差。變服潛逃。仰冀廟謨援拯。孤臣破卵焚巢。

自知不免。敢一死。鴻毛賤。世濟一路涉險。繩幽萬千狼狽。

今日幸投轅下。殘生幸得覩君侯。面羽書怕難達。甘泉殿

末賢喬梓忠義凜然。愧老夫鞭弭莫及。你可將本章留

桂枝霜

卷上

美

下我即差飛騎星馳申奏。世兄你主僕二人按厓前去。

自家恩旨。小生懷中出本揖介。多謝大人。甘泉殿

縷縷金空按劍。漫投鞭。東南同保障。孰籌邊。安得驅貔虎。

提兵相接。把忠臣孝子。即團圓。休誇董公健。真慚董公健。

世兄且去沐浴更衣。暫留一宿。明日當擇良馬二匹相

送。小生大人盛意。何以克當。只是我請前

越恁好。二親凝睇。二親凝睇。此信倩誰傳。念兒路遠。怎知

道受公憐。末世兄且免愁煩。白雲親舍。天盡邊。難憑夢轉。

征途裏。自索把離憂遣。風塵裏。莫頓使朱顏變。真成

是正石中丞

滿街猶慘一  
片迷離月  
景難愁是何情

襖請少爺更衣，小生世濟暫且告退。下末咳馬公可謂  
有子矣。

尾聲看他形容憔悴，衣衫變長，掛軍門氣浩然，愁煞我坐

對洪崖手拍肩。下

第十二齣 再遣

場右放布牆中開一生小生扮雙調穴內起鼓定更介兩承差上過曲孝南歌人將去夜未

央鳴嗚咽咽清漏長，苦月漸過牆，愁難莫爭唱。生我唐守

道小生我唐正發生都是馬爺磨下承差，前次俺爺着楊

啟祥送大相公入京，未知下落，近日賊倖日張天兵不到

桂林霜

俺爺因託幕友李子變老爺領着八歲的二相公朱昉老

爺領着九歲的小相公，委我二人跟隨逃走北上，兄弟看

來馬爺志在必死，故不忍宗支殄滅，不但李爺朱爺付託

非輕，我與你干係正自不小，小生便是，適纔後牆已經鑿

穿和你攜了包裹，悄悄到彼等候去，合你看銅垣高障穴

隙圓通，衣裝停當，小生哥方纔聽的說老爺寫本時，夫人

抱了二相公，大奶奶抱了小相公，都哭得暈去了，倒是三

相公四相公跪在老爺面前道，爹爹不要叫哥哥姪兒去

罷，哥這等光景，可不令人腸斷，猶如鷹攫雙雛，摘下心肝

看文

身段好看

只一又字便  
有卷令之勸

總評

兩兩哭介生你聽一片哭聲想是兩位小爺出來了我們  
且先出牆外去度穴介看暮鴉辭樹忙怕猿猿哭聲放

全下末扮李子變攜小旦世永上小旦

前腔初離交乍別娘牽衣拜辭我又當姪姪比吾長哥哥

去誰向李先生你帶我那裏去末三郎不可啼哭牆外都

是賊兵被他知覺就要殺了你爹爹託我領你到京去尋

着哥哥不過一月就回來的况且做公子的要學官人形

狀若是淚眼愁眉不成模樣小旦姪兒去尋他的爹爹罷

了我有我的爹爹我不去末不是這等說爹爹疼哥哥就

桂林霜

卷上

末

如疼你一般哥哥不在身旁便不快活所以要去尋來

就愈加疼你了小旦兩個弟弟也該去末他們年小不如

你聰明所以只要你去小旦這些話只怕是騙我的末二

郎我這大年紀豈肯騙你小旦哭介末背介咳大人以六

尺之孤託我李子變怎敢不盡心保護抵多少餅店鄰家

亡命猶資養小旦李先生你要包我幾時回來我方肯去

末今日六月十七日到七月十七日就回來了小旦如此

我且去一遭兒末好二郎這便纔是小旦母念兒莫痛傷

弟尋兒敢遊蕩全下外朱叻上

激發

首卷令之勸  
只一又字便

總評

前腔交情重。遠慮詳。程嬰報恩。李憲藏。我朱昉承馬公以  
長孫國禎兒託。連夜奔逃。那李君已引二郎遁去。爲何小  
郎還不出來。哦。是了。敢是乳燕恣迴翔。慈烏不輕放。淨老  
道負貼旦。貼旦打老道上。我不去。我不去。淨阿呀。打壞了。  
外老道這等可惡。快放下小相公來。小郎你爲何打他。貼  
他要我去尋爹爹。我只要媽媽。不要爹爹的。外原來如此。  
老道該打。待我幫你。再打兩下。打淨介。淨倒地介。哎。啲。  
發打壞了。貼朱先生是好人。外小郎。你可曉得老道爲何  
不欺負二叔。專欺負你。貼我不曉得。外爺爺是二叔叔的

桂林霜

卷上

五

爹爹老道怕爺爺不敢欺負他。只因你爹爹出去了。故爾  
欺你。貼哭介。我的爹爹那里去了。外你爹爹在我家下。我  
今夜帶你去。明日早上你硬扯了他回來。打老道。可好麼。  
貼你家在那里。外就在外面街上。貼我母親說。爹爹在京  
中呢。外這是哄你的。你若同我出去。包你今夜相見。貼喜  
介。如此就去。外你方纔說只要媽媽。不要爹爹。怎麼此刻  
又改變了。貼老道欺負我。沒爹爹。所以我要去扯他來。淨  
不好了。朱師爺你不要帶他去。貼偏要去。偏要去。外妙呀。  
一片天機流漾。破涕爲歡。誰奈真妄。貼朱先生我們快去。

琵琶白話劇  
入心骨

罷纔知無父孩兒只當寄在人家養因負爺且別娘老道  
立起介貼喂老道你怕不怕我到明朝有依傍

全下老道笑介妙極妙極下老旦哭上

十字勸勞問  
極

前腔鴻方香雁又翔先飛後飛都渺茫容易各分張辛勤  
我生長相公將兒孫以次遣去枉自夫妻相向這兩個屍

二句敵一首  
哀江頭

骸何人埋葬說甚富貴孩童誰更知疼養老道土夫人不

十二字杜詩  
韓筆

要過傷了老爺在內相請老旦咳九歲孫八歲郎心坎中  
眼皮上哭下淨全下且哭上

前腔夫拋婦子撇娘此身子然存若亡螢火暗空房鬼氣

桂林霜 卷上

三

長記

昏羅帳國頑我的親兒呀已是夫妻絕望更把一縷殘魂

隨兒飄蕩少甚麼彩鳳文鸞苦命人偏兩小旦扮顯氏上

夫人到處尋你却在此處啼哭少奶奶須索解冤些罷且

咳顯姨娘呀你叫我如何解冤哪小旦事到頭休忖量小

官兒能勾去了只恐都是長命的哩你看留下這兩個小

孩子還怕禍臨頭不知怎生樣全哭下

全下

桂林霜傳奇卷上終

遙射完

桂林霜卷下

大興張三禮椿山評文

鉛山蔣士銓清容填詞

鳳翔楊迎鶴松軒正譜

第十三齣

幽禁

丑扮孫延基 引四兵上 失閉玉籠飛彩鳳恐開金鎖走蛟龍不如

另結新羅網收拾長鯨住此中俺孫延基今日兄弟將  
軍說道昨日京中信息六月二十一日旨意已放了

陳洪明為廣西巡撫方纔曉得馬巡撫于四月差公子

桂林霜

卷下

逃出衙門往京上本 朝廷差員外阿蘭泰筆帖式朱

藍布出京接引六月月中又託幕客二人藏了本章將次

子長孫一同逃去也到京師看來斷無歸順之意但俺

門反形尚未昭彰不便將他遞行殺害為此奪得低小

民房十數間四面高築圍牆名為土室今日乃七月二

十一日黑道之期凶神畢集叫我領兵徑入撫院衙門

押他全家遷居土室以便嚴加守禁眾將就此前去

過撼動山將軍尚且叫哥哥廣西人都怕我打進大衙門

馬上教挪了窩把官兒連孩子帶老婆都橫扯豎拖見一

天何言哉

五字卷下

八字委書

八字委書

直氣勇死湖

八回寫結

簡也麼押一箇下生馬公帶劍上景同時被文書責理

正宮錦纏頭事如何問蒼天將來恁麼半壁亂山河病身

軀非同健飯廉頗我馬雄鎮前月十七日又草子再陳粵

西情形一疏託朱李三客贊領兒孫逃去前後三本朝

命杳然不知是差去之人都被賊兵殺害又不知是已發

援師尚未得到教人好生迷悶有誰解白登圍橫行大漠

難道把岳家兒全陷風波就裏漫猜度這總督與提督按

兵坐視最為可恨都做了驚蛇怖鴿無杵靖諸魔噴熱血

心雄勢弱恨兜盔從賊草間活大魏鎮兵董開頭

桂林霜  卷下  二

心亦吶喊介淨老道奔上老爺不好了大夥賊兵撞開頭

共門蜂擁而入不知何故生罷了你丑去裏面照看着淨

下丑引衆上馬太人在那里呀馬夫人我的兄弟將軍

對說你在衙門佐得委曲另備下書所公館請你喬遷快

同我去生哇孫延墓我久拚死只因逆亂未平王師

有待故爾遲遲你今日來得好三本

朱奴兒只不過頭顱一顆準備你將軍來割十擔輕裝值

甚麼男共女性命無多全殺却其如我何必恁惶惶箇

丑揖介夫人言重了舍弟與你是同朝好友焉肯無情

至此四面淋淋不避丑決將彭帥降大帥兩親亦不

朱奴插芙蓉論武將文官要和恁古執剛方不可處世從

來貴圓活風八面商量移舵生多講丑前車禍痛君家伏

波况夫人半載開眉西朝廷之上誰能諒你心跡轉關兒

怕明珠惹苒謗言訛丑并險中與銀瓶碎又傳介回

丙又喊介淨奔上稟老爺數百人從後牆推倒進來將

合家男女都搶去了生大怒介阿呀逆賊好無禮也丑

大人放心不過請到公館裏去並無歹意生罷罷罷偷

馬英雄今日死有餘辜矣淨慌介生桂顯銀瓶碎大

桂林霜 卷下 三

朱奴別銀燈不能為朝廷荷戈却轉為封疆貽禍偌大乾

坤何用我死得陋書生真懦丑大人不可亂了方針愚兒

第一團好意生哇呵呵賊心腸恁麼只一劍臣心了却丑

拔劍自刎一卒奪劍墮四指滾地介丑奪去劍四卒擡

生下淨哭叫隨下丑持劍弔場滾地卒不動介阿呀好

利害性子這樣東西都好放在膀子社去頑兒的嗎三

卒上已將馬爺擡到土室中夫人等都在彼解勸馬爺

睡在床上發惱呢丑你們可將門戶封好了麼卒封得

嚴緊四面梆鈴不絕丑好呀這個狗才如何睡在地下

便後

一哭  
戲生苦同聲

一哭  
戲生苦同聲

卒他奪劍時割去了四個指頭暈倒了丑不中用的狗才幾個指頭什麼希罕。卒爺何不試試丑我是怕痛的擡他回去罷。

尾聲做忠臣先製下金鎗藥。纔不怕傷風腦破。內敲梆鈴介丑好熱鬧的土室呀。比他那開轅門的鼓角加上這幾聲。

聲。羅下。

第十四齣 齣釋帖

場中設書案。場後掛小旦扮雙調。幔上懸笏擊樓匾。顧氏上引子。胡搗練。沉犴狴。陷羅罟。

清閒轉覺歲華賒。把筆不須門限鐵。張弧如載鬼盈車。

桂林霜

卷下

四

如夢令。照夜幾聲更鼓。白晝幾番風雨。染翰學夫人小注。過庭書譜。休苦休苦。且伴寂寥蘇武。奴家顧氏。蘇州

人也。妙解五音。深通八法。爲中丞馬公侍妾。自甲寅七

月。被孫賊將我全家幽囚土室。今已四載。我老爺耿耿

孤忠。遲遲一死。豈郝經之返國。無期。實天祥之捐軀。有

待頒年以來。集漢晉而下各家草書碑版。做宣城梅氏

字彙體例。別類分門。排爲一十二卷。題目彙草辨疑。奇

變相生繁簡合度。曲盡古今之法。墨池翻浪。借澆入阱

之愁筆陣。馳戈恣洩。拘囚之怒。奴于添香調瑟之餘。願

忘會陋。遂字細加秀訓。雖塗鴉畫蚓。有慙研骨顏筋。而

數墨循行。竊比鄭箋毛注。今日老爺手書匾額。懸掛小

樓。不免講了草帖。吐法贍玩。一回則個抱帖緩行。介

仙呂入。柳搖金茆簷中卸泥牆。四遮樓壁。漸歪斜梯齒多

雙調。殘缺看介笏擊樓咳。司農心露些幾時能也。你看這三個

字波磔森嚴。神光憤激。想見下筆之時鬚髯戰張也。破屋

走龍蛇。待把朱泚頭顱。向毫端摧裂。真箇鋒能刺賊骨可

專車骨可專車。腕能屈鐵。放帖兀上坐介風日清和。且把草帖再加校勘一番。展

桂林霜 卷下 五

帖介你看雷電驚眸。雲煙觸手。真乃千古墨寶也。

淘金令。隨身劍飛袖底驚。鴻瞥排空浪飛海上神蛟掣落

絮絮花流風迴雪。都是雄心勁氣。整整斜斜。獨來獨往誰

敢遮精神聚結。辟火驅邪。後世咨嗟。後人摹寫。

便是奴家這些細字呵。四塊金書沙印泥。豈是簪花格。研經論史。豈是彈箏妾。關

姬何用櫛。隱娘原自依笑書家。姿媚相誇。都無貞烈。教我

暗傷嗟。怎生禁當得這一波三折。

貼粉劉氏捧茶上。欲醒觀書眼。相尋試茗人。願姐校字

生室如面

顯

入草書千相

對山書對對

警說

草草心草草

後世咨嗟後

人摹寫千秋

腸斷

筆陣心兵左

鑿石拂

上堂戲詞

一句相合



第。十。五。齣。誅。叛。圖。忠。軍。士。門。典。其。勝。在。

中淨赤鬚金冠袍甲引隊上列土分菜意不甘黃袍加體坐雲南三

家鼎足窺神器一箇王孫做長男登高坐介俺吳世儂

乃滇藩吳三桂長孫新擢平粵大將軍之印攻破桂林

夫開幕府你看這廣西地方控制羣蠻彈壓八鎮右礎

象郡左帶蒼梧建交趾之藩屏立滇池之門戶好不險

峻叵奈孫延齡這厮雖有投誠之表却無獻地之功觀

望四年屢形驕抗俺祖爺爺命俺前來密誅此賊並勸

馬雄鎮歸順以資輔佐為此今日盛陳兵衛待孫賊奈

桂林霜

卷下

七

見卽行擒斬便了淨盔甲扮孫延齡引二卒上隗囂其

作遊遊計高傑難平反側心俺孫延齡久附雲南未能

脫去昨被撫蠻滅寇將軍傅宏烈展轉開導又見馬雄

鎮百折不回頗悔當年孟浪不料滇兵突至天振軍威

弄得我主意不定今日且去參見相機行事則個左右

通報卒孫將軍參見中淨着他進來淨入批中淨不起

淨背立介中淨孫延齡你知罪麼淨俺有何罪中淨你

擁兵觀望據險優游屢叨厚賞千金不獻邊隅尺土巧

作兩家之叛賊究爲誰國之忠臣軍士們與我綁了卒

鄉介淨阿呀罷了罷了。車淨面恨土室中。眼想。

黃鍾畫眉序。兩面笑藏刀。枉做姦邪。討誰好。享金銀子女。

過曲算汝功勞。一個馬巡撫。殺又不殺。解又不解。苦將恁軟款。

監牢。可知你連環圈套。今朝斧鉞申天討。斬伊傳示官僚。

淨。吸吳世倅。俺乃天朝名將。上國大臣。不惜遺臭之聲。

名。欲保從龍之富貴。蠟丸偷獻。可憐秦檜丹心。雲夢鶴。

裏遊。反用陳平詭計。不知巫臣之盡室難行。待把趙括之。

全軍都害。看你祖父行爲。豈是帝王度量。可歎我孫延。

齡。罵名枉垂萬代。冤死不值一錢也。昏賊。非姐。一。歎。

桂林霜。卷下。八。

前腔。天理果昭昭。難怪爲人貴。忠孝背君親。作賊一樣餐。

刀。別的也罷了。王孟兩都統。以下那班厲鬼。若還遇了我。

鬼門關。攢刃難饒。馬巡撫在土室中。聽見我老孫。倒先喫。

一劍。活地獄也。臨風含笑。中淨。俺先朝像你這樣。混帳東。

西。不知叫流賊宰了多少。你想土想雷。王你這等賊子。那。

一家。還用你呢。淨。罷了罷了。背主通番。不忠不義。做一班。

朋友。請看榜樣呀。功名富貴都丟掉。全家瓦解冰消。連。

中淨。咳。碎得緊。拿去砍了罷。卒。推淨下。中淨。一面發兵。

將他一門老少。盡行屠戮。一面到土室中。迎取馬撫院。

全家到帳中來分別款待。卒得令中淨。正是殺虎先擒

雙翼虎。埋蛇且斬兩頭蛇。八月七日。吳越了。吳越了。

第十六齣

移帳吳三桂。齊吳地。吳地。吳地。吳地。

內內登場孤雲出岫俄頃

生持草越調帖步上過曲小桃紅窮秋纔換小陽春盼不見梅花信也

向凋零中消磨無限好精神本詩獨坐園扉裏蕭然太古中

艱貞堪自信正氣滿睛空俺馬雄鎮七尺殘軀四年幽室

強云有猗大抵無聊只為大丈夫要死得明日張膽不比

小朝廷但付與地老天荒閒中遣耳著成稟草辨疑

竊效文信國戲集杜詩敢擬揚忠愍預書遺囑却喜姬人

得師

桂林霜

卷下

九

顧氏冰雪聰明蕙蘭心性蠅頭細細釋文兔穎輕輕點黛

善本已成不免展玩一過看了這草聯真恰便似注蟲魚

畫乾坤演連珠摹私印也並香肩甲冑釵裙昔日太史公

下蠶室侍妾清娛不能相伴我今日勝于龍門一籌矣結

忠孝死生緣無非是有情人本戲臺圖氣裏蕭然以古相

淨老道上忙將快心事鞞與主人知大笑介老爺好了

生怎麼說淨方纔傳說吳三桂孫兒領兵前來昨日破

城而入今早將孫賊滿門人口一槩殺了豈不有趣生

駭介阿呀不好不有這等事此間大事去矣

無情者當分

宵肺肝

雲出岫俄頃

雲漫四寒

神計奇機

神計奇機

神計奇機

神計奇機

神計奇機

神計奇機

有心肝者不  
必有情願事

下山虎是誰揖盜。令我銷魂敵。至憑誰抗。滿城亂軍。淨孫  
賊是我們的冤家。老爺爲何反加哀憫。生你曉得什麼。孫  
賊萬死誠何足惜。但半壁金湯。又歸賊手。金甌屢缺。破甌  
難全。誰爲吾君殺賊。恢復邊庭也。淨原來爲此生一片降  
旗。萬家壅粉。那有心肝奉至尊。老道我們死期已到。你且  
去將。欽賜御衣取來。淨此刻穿他則甚。生不必多說。快  
去取來。淨下生一地兒心暗忖。一地兒心似焚。熱血如何  
濺。如何報恩。不能彀生戴吾頭入玉門。

淨上。御衣在此。生你去叫外委易友亮進來。淨叫老

桂林霜

卷下

十

且扮外委上。易友亮叩頭。生易友亮。這是

聖上所賜御袍。不可失落。賊手。倘亂兵打入土室。你可乘  
隙逃出。將此衣送到京師。跪向朝門。求官員代奏。繳上。  
去。不可有悞。老旦小官曉得。淨下生拜衣介。

五韻美御香。龍涎噴。重封密裏收。護謹爪和鱗。不敢一  
星損。空藏繡袞。無力補山龍。闕暈緘新恨。負舊恩。怎能彀  
學嵇紹登車血。花亂滾。

付衣介去罷。老旦下。淨上。啟老爺外面有一差官手持

令箭說吳大將軍請老爺去說話。生是了。你去說我就

百忙中有此  
箭艷之交

出來淨老爺昔年不肯移居士室爲何今日反去賊營  
呢生你那里曉得

迅掃成文豈  
有填詞跡象

五般宜當日個閉官衙未蒙寇氛今日裏羈囚室竟來賊  
軍有什麼舊戀更因循四年間千忍萬忍到今難忍纔盼  
得罵他一頓何關要緊把平日說不出悲哀向江山發箇  
狠老旦哭土

詞心之苦

句句盤旋鉤  
詞景俱景

山麻猶惡歲月都捱盡生番着一對夫妻不見兒孫聽說  
相公要去賊營你我致命之期至矣浮雲一家裏盼得箇  
各完各分下場頭幾堆白骨一坑碧血數點青燐

桂林霜

卷下

十一

生夫人與媳婦等各自剖劃下官不能兼顧矣

如是如是  
愁

黑麻令活着做愁人恨人倒不如死去入風輪火輪一任

可恨可憐

同心之言

他蜂屯蟻屯太平時蔭子封妻都做了降軍敗軍老旦相  
公請先行妾等隨後來也久看破真身幻身厮守着驚魂

音與隨越東  
戲詞如文豈

怨魂妾等含笑相從俱無遺憾只可憐兩對小兒女亦遭  
慘劫血淋淋帶女拖兒同去叩天門鬼門

淨上差官催促再三如何是好生夫人進去罷老旦哭

下生老道誰跟我去淨老奴之外尚有馬雲韋馬進福

周進才唐進寶倪天寶王迎春小四兒韓廚子八個生

要這許多人去則甚淨他們說蒙老爺恩養不忍相離  
要跟去看個下落倘有不幸他們便一同動手打那狗  
賊韓廚子將菜刀及劈柴的斧子都帶在身邊呢生這  
也可笑淨老奴還聽見說吳賊另備了一所公館俟老  
爺起身後卽差人來迎取家眷前去那公館中供給十  
分豐盛不知夫人們可肯過去生你去向夫人說在此  
無益且到那邊暫住聽我消息便了淨是下小生差官  
持令箭引二兵上馬爺在上小官叩頭轎馬伺候多時  
就請去罷俺大將軍候久了生阿呀蒼天蒼天馬雄鎮

桂林霜

卷下

七

冷日亦可謂死得其所矣

江神子我只道排牆死壁根我只道飲鴆逢瘟我只道士  
囊壓首亡身誰知道殘生一髮繫千鈞到今日弄常山舌

吻衣豐盛天賦夫人階下首飾去生待去何夫人驚

空下淨扮廚子持菜刀丑老且正丑小且點粉小厮全

止淨進才進寶進福天寶四兒都在這里還有雲臯迎

春兩個呢丑他二人跟野老道去前去了淨如此我們

追上去了丑韓師父你那刀藏在懷裏不要叫賊看見淨

也罷藏刀介哪我屁股上還有斧子哩少刻強盜若難

同山之曰  
鳴悲爲樂

新法編集

雙言不疑

爲老爺我就一頓菜刀斧子剝他做肉丸子。你們怎麼  
頑法。衆我們一齊大罵。打他一個攢盤。淨他人多弄他  
不過。怎了。衆不過一古腦子捨了。這個膽袋怕甚麼。淨  
好兄弟。古來韓信有十面埋伏陣。俺韓廟子今日同衆  
位擺他一個九龍下海陣。丑老道老了不中用。淨改了  
八仙慶壽陣。叫老道做南極仙翁罷。衆好呀。咱們趕上  
去。合咳。賊強盜。你把

尾聲臨危主僕端詳認。怎不顧君臣名分。老爺若盡了節。

得聲奇極

我們打駝子捧他上天去。到雲端裏往下一看。阿呀。有趣。

桂林霜

卷下

三

則見那血灑灑十個含笑的頭顱。同在地上滾。大笑跳舞。

得聲奇極

第十七齣 完忠

設一席對面中淨吳世。椎牛饗壯士。置酒宴嘉賓。新造

麒麟閣。來收社稷臣。俺吳世保。奉老祖令旨。鑄就三邊

總制金印。大開筵宴。迎勸馬巡撫歸順。左右。馬大人可

來否。兵已經起馬。夫人家眷。一並到了公館。房李二弁

在彼伺候。申淨爾等在外守候。一到卽忙通報。全下小

生未扮二差官引生策馬上

雙言不疑

調雙北新水合殉封疆一死已如歸。到今朝脫然無累。天不  
教提兵倖衛霍。又不教搢笏伴臯夔。有甚施爲。做了箇聖  
明朝。沒相干的斷頭鬼。

官通報內鼓吹開門中淨出迎介馬大人請生入背立  
介中淨久仰鴻名。幸瞻雅範。本帥奉主公令旨。潔治卮  
酒爲大人親上。三邊總制印綬。伏爲笑納。生住了。爾祖  
乃敗軍庸將。亡國大夫。匍匐關東。哀求帳下。乞王師  
以誅流寇。仗天威而復國仇。我聖主奠定中原。命  
爾祖藩屏南服。何負爾家公然謀反。始而學包胥哭庭。

桂林霜

卷下

十四

旣而做尉陀稱帝。楚弓豈應爾得。粵君敢說自娛。不思  
報再造之洪恩。轉欲肆中山之反噬。我馬雄鎮。但識盡  
忠焉。能作賊。爾若尙有天良。急宜滿誠。俺當代奏上朝  
廷。乞寬夷族之誅。賞以自新之路。勿矜多口。且自三思。  
中淨怒中坐介阿呀呀罷了罷了。爾本庸弱之夫。忝竊  
邊陲之任。旣不能保爾封疆。又不能借人兵旅。衙中坐  
困空云胡馬思歸。獄底偷生。但學楚囚相對。下慚官職。  
上損國威。大臣何日有爲。丈夫豈當如此。俺主公豈差  
大度。兼容并包。爾反鼠目寸光。執迷不悟。本帥令重如

根山看爾身輕似葉不宜饒舌致歎噬臍

仙呂入 雙調 南步步嬌 一介書生談忠義 侈口憑豪氣 從一而

終乃婦人女子之言 你看古來才子英雄皆能擇主而事 那青史虛名何關輕重 遭逢各有期 但得知音不分皇帝

為人在世也要自知分量 一個孫延齡就將你弄得傀儡 一般何况本帥左右斟酒來待我定席 起立持盞介羊祐

莫相疑 聽美人帳下歌喉細

生撥盞墮地中淨怒坐介生吳世儉你試聽者

北折桂含笑前朝置相如碁債帥連營名將輿尸爾祖呵

桂林霜

卷下

去

堵關門那有九泥屈膝龍庭四海聞知俺 聖朝呵握神

兵安民殺賊定中原天與人歸爾祖乃先朝一個武夫驟

分茅土既事二君復萌異志死無面目以見先皇生喪天

良而千重典尙敢借延攬英雄之說誘人作賊乎流寇之

遺亂賊之魁十餘年苟且偷生不顧倫彝

中淨你併知其一不知其二前朝天下該前朝臣子領

受譬如人家產業主人已死當屬奴僕外人焉能享用

南江兒水圖籙當歸我江山合讓誰封王不過稱千歲分

牀豈可容寐睡觀場何必爭閒氣你雖然十分無禮我却



年十月十二日廣西巡撫馬雄鎮在烏金舖罵賊而死時  
年四十四歲中淨寫得好齊整的草字愛煞我也生擲筆  
大笑介把墨痕頸血一齊飛吳世傑你奸癩也俺馬雄鎮  
呵鐵心腸不移鐵心腸不移看堂堂南八一男兒

三差官領小旦貼粉兩童子上中淨阿呀二位小世兄  
來看大人哩生世洪世泰你來則甚且母親叫爹爹  
不用多言早早歸天罷中淨耶這是什麼話問家人小  
南園林好聽雙雛傳言甚奇一家人居心恁齊老實說了  
罷你降便降不降我要殺了這兩個小的罷二旦哎呀爹爹

桂林霜  
卷下  
七

爹若是降了不妨事就降了罷生哇不許開口中淨保骨  
肉行權可矣眼睜睜兩個兒嫩生生兩個兒齊齊實實  
丙鼓噪介兵士稟介致仕將軍馬夫人有九個家人小  
厮一齊要闖進院子來小的們攔他他就一齊動手相  
打中淨多多着人攔住不許進來兵應下二旦跪生前

叫扯衣哭介爹爹生拔淚介齊堂堂南八一男兒無期

北沽美酒帶太平令聽嬌兒宛轉啼聽嬌兒宛轉啼嘆赤  
子兩無知顧不得骨肉恩情說慘悽吳世傑你敢將此等  
伎倆來挾制我你那吳三桂捨得父親難道我馬雄鎮反

捨不得兒子。二旦跌哭生踢開介。守君臣大義。下毒手。任  
 伊爲中淨。罷罷罷。手下的。把這兩個小子殺了罷。二官捉  
 二旦。二旦扯生。生洒脫。二差官推下斬介。執二首。上介獻  
 首級。生杖派。看首級。奪首級。打中淨介。中淨呵呀。快鄉快  
 鄉。衆鄉生。生躍唱介。四隻眼看爺不閉。兩顆頭擊賊。雙提  
 小身材。忠臣賢裔。小性命。童年厲鬼。俺呵。敬花雲。無兒有  
 兒。便奴儕也。勝你呀。纔把這七尺軀。交還天地。干是難救

衆推下斬介。中淨呵呀。好一個鐵錚錚的烈丈夫也。兩

鼓噪。二卒持八首級。上殿。將軍馬大人的家人看見他

桂林霜

卷下

六

汪兒受刑。就一齊拚命打鬧。小的們一時氣忿。殺了八  
 個。只留下一個老的中淨。呵呀。都是義僕。可知叫什麼  
 名字。好上冊子。卒他們各有腰牌。這一個鬍子是韓廚  
 小子。最是凶狠。身上帶了菜刀。斧子。把小的們。夥伴砍傷  
 了四五個。淨老道拄杖上。賊強盜。好殺好殺。中淨。你是  
 什麼人。淨。我叫做諸老道。你這臭賊。殺害忠良。必定天  
 誅地滅。中淨。念你衰老。無用。饒你一。刀。怎敢罵我。淨。我  
 乃忠臣世僕。豈肯偷生。不像你。祖孫父子。一班猪狗。不  
 能顧羞。恥勉。勉強強活。在世。令人唾罵。中淨。呵呀。了不



痛

血痕滿指

大快

痛如針

草草草草

以各樣筆法  
摹寫筆員使  
各種口情  
形活脫脫盡  
龍門能事主  
詞句音調又  
不待言

商調 過曲 金絡索移來鬼一窠。摘去兒雙個，死後全拋活。在如

何割方纔賊營將兩個小孩兒取去，諒來以此被制老爺

咳，皇天呀！我馬家總是一死，如何遭此慘酷，叫他刀頭子

喚爺弟呼哥，將三副肝腸做萬寸拖兒心戀，父身難脫。爹

意疼兒，却奈何遭奇禍，待把夫妻罪孽問閻羅。小生立高

處介告夫人知道，馬大人和兩位公子俱已歸天，九個下

人一同被害了。老且怎麼說小生再說，老且大哭介小生

淚下，老且阿呀，皇天呀！一家人半壁山河到今日銷除，過

且滿裝董氏奔哭上

桂林霜 卷下 三

前腔收場直恁麼結局纔真箇婆婆事已至此不必悲傷

妾年二十有七，自同受困以來，于茲四載，夫子借逃，杳無

消息，幼男弱女飢寒而死，媳婦所以隱忍偷生者，因公婆

尚在，或者萬一得出水火，今無望矣，願速相從地下，就此

拜別，老且賢哉媳婦，爾志既定，九泉即可相聚矣。且拜介

有甚徘徊，兀自貪金活老且泣避下，且奴先叩鬼門，待婆

婆讓小叔隨翁半步多，鬼門設桌，且登桌自掛繩脫，跌

下，血被面介或拚游魂，汚血頭俱碎，這烈膽包天，志不磨

又登掛繩介牢拴縛，到今朝纔死愧蹉跎，作縊介下老且

寫二姬了然  
生死直是妙  
雲蓮花化身

哭止阿呀媳婦的兒也。眼看他七尺青羅把一寸香喉鎖。

下小旦貼青衣同上

前腔先登勇遜他後勁身留我。小旦劉家妹子大奶奶已

經盡節我與你就此效靈何如。貼顧家姐姐我向來說見

危授命只當逢場作戲不料你我果有今日。小旦便是合

一對裙釵值得些兒個。誰家燕子樓愛延俄誰抱筇篻止

渡河各解帕介小旦妹子請貼姐姐不要謙了便袞裯共

抱分前後恁魂魄隨肩沒右左。全上卓並立介小旦此刻

老爺靈駕不知何往。貼和你一路訪去。天空濶認雲旗閃

桂林霜

卷下

三

閃漫差訛同掛下老旦哭止我的顧劉三姬呀兩嬋娟同

閉秋波似並蒂蓮花落下

且漢教苗氏持帕哭上大奶奶呀不要聽信賤妾爾其

前腔私恩領受多泉路道隨可奴家苗氏乃馬公子之妾

也聞大奶奶已經自盡特地趕來整拜介阿呀大奶奶何

捲被薰衣尚有青衣我上掛下小旦貼滿妝絲袍上快來

呀天教姊妹們沒騰挪殺賊真慚謝小娥小旦我二姐年

方十八貼我五姐年方十五爹爹已死我家今日闔門盡

節姐姐你看嫂嫂苗姐掛在一處顧姨劉姨掛在一處到

寫二姬了然  
生死直是妙  
雲蓮花化身

大書特書結

一子乘舟遊  
跑洒落

言談香公出  
言談一齊人

所謂一家人  
各完各分也

挽筆子鈞

大書特書結  
梨婦

也好看。我和你掛在一處。你代我將帕兒掛牢些。不要  
像嫂嫂跌得這般苦惱。小旦妹子。此事要出于情願。你  
可埋怨我。呢。貼什麼話。衛大夫取獨為君子。姐姐恁地輕  
觀我來。小旦如此將帕來。我代你拴結。貼遞帕。小旦上結  
介合。只當秋千並作登仙戲。夏五同沉競渡波。小旦妹子  
上來呀。貼來也。慈雲座。願雙雙長伴白鸚哥。同掛下老旦  
上我的兩個嬌兒呀。兩枝花。未嫁嬌娥比不上賤錢貨。  
婆子們過來。淨中淨粉老嫗。哭上夫人說甚麼。老旦你  
們將六位屍身。逐個解下。用單衾包好。放在一處。袖出

桂林霜

卷下

三

牙牌介將牙牌各各拴在上面。嫗曉得。全下。老旦吾事  
畢矣。  
畢矣。盛衰鏡中鏡。悲夫。夫人。情甚悲。且且

金甌線解醒。全家陷網羅。四載同寒餓。恁大疑團。今日纔  
叅破。這收梢沒處躲。內收拾好了。夫人請看一看。老旦再  
瞧科。三對香軀單被裹。六堆黃土難安卧。不知他父子屍  
骸在那處。拖解帕叩頭。介皇天后土在上。命婦馬雄鎮妻  
李氏。就此望闕謝恩。阿呀。李氏呀。李氏你三十九年之身。  
今日全受全歸。得以從祖姑趙太夫人含笑九原矣。上桌  
介安排着六十年家運。大劫重過。繼下



一居停將主人殉難情節詳寫報呈向撫蠶滅寇將軍兼

廣西巡撫傅宏烈衙門投遞求伊代奏庶忠烈情形不致

泯滅這幾日孫君却又抱病愈加狼狽受風霜改盡形容

又變却名和姓小生扮孫成病容持傘上誰甘戀此生誰

甘戀此生怕孤忠跡未明合顧不得跋涉貧兼病

中淨孝廉公今日身子掙扎些麼小生陳兄我聞有一

平樂進士袁景星不受賊子偽職被困在此近日亦逃

躲城北廣福寺內我和你悄悄地尋着他設一計較逃出

城外方好奔到梧州去求傅將軍作主中淨如此甚好

桂林霜

卷下

行介

前腔瘦伶仃共覓巽徑風送蒹菴聲甚書生周朴心腸

獨抗黃巢令寺內有人麼外扮袁進士上何來剝啄聲何

來剝啄聲窺門不敢應怕城南有賊搜亡命

出見介二位是何等樣人因甚到此小生先生可是進

士公麼外問他則甚中淨我等乃馬公幕客避禍蹈跡

足下果是中郎便可相依為命外阿呀莫非就是孫孝

廉陳文學否小生便是外快請進來待我將門緊閉閉

門見禮介外文山上客久著義聲小生中淨天寶詩人

傅公袁君皆

列傳附見之

人故只須如



此逗露

黃要書

人故只須如

依錄刊見文

新公家款實

風欽介節。合今得相逢。不勝欣幸。外請坐。十二日聞馬  
公在烏金舖罵賊甚烈。從死者二子九僕。其時兩君安  
在。小生中淨先往聽啟。願只於美小生當此難日。

繡帶兒同拘繫。甘捐首領。居然遁出秦坑。要將他死事根  
由圖得個表奏分明。中淨在下將馬公事跡寫就呈詞一

紙。要在梧州軍門傅公處投遞。出紙介先生請看。外看介  
懇切詳明。不愧中丞知己。小生他公子世濟。世承長孫國  
楨。俱在都中。不知父母結局。因此弟輩一面聲明開府。一  
面奔赴京師。要使臣節光昭。交情完密。偷生漸離。豫讓思  
桂林霜。

卷下

五

共逞磨利劍。難加讐頸。外陳先生囊中是何書帙。中淨此  
乃馬公手著草帖十二帙。在下特地攜出。恐遭兵火毀滅。  
外兩君真義士也。羨李翰于嵩並稱保護。這殉昭陵的蘭  
亭書聖。

由小生先生夫節凜然。不爲賊汚。弟輩十分敬服。外

前腔朝廷養士氣。文章德行。周全忠孝天性。笑羣公爭戀  
榮華。幾人不愧科名。難得兩兄仗義。小弟當爲鄉導。明日

變服潛行。先到平樂。在舍開休息。一旦從猿獍險僻地面。  
問道奔往蒼梧便了。偕行疾風吹過。知草勁涉險峻。三人

金華  
蘇心齋中合

團處好着

字傳單  
蘇心齋中合

同命。中淨深感。援引弟輩。追隨有托矣。傷老瘦。哀哉。杜陵誰做得。不分明。的王維行徑。

丑扮老僧荷鋤上。堆香骨。殖幾箇土饅頭。外和尚那黑來。丑。今早有兩位手總老爺叫人擡了七個木桶。十八個鑿子。內中都是屍骨。借我寺後菜園掩埋。老僧三帮忙已畢。打發他們散去。故爾出前殿去歇息。小生可曉是誰家死口。丑桶上各有牙牌。鑿面皆拴竹片。說是馬夫人的家。眷中淨可憐。可憐。丑。阿彌陀佛。貞魂依淨土。善氣吐青蓮。下。小生我等逃走時。屍橫內外。不料房

桂林霜 卷下

三

李兩千總拜肯代為收葬。這也難得。中淨可同到後園一拜。外。正該如此。同行介。斜風轉破廊。薄雪埋空竈。蓬蒿列蟻封。上有寒鴉弔。小生中淨淚拜介。合。中淨跪

寫酸楚拜字  
字野地

兩處好着

權心語中合  
音痛

三學士火宅蓮花焰未冷。明年墓草廻青。中淨那大人公子的遺骸。不知若個收拾。不能設夫妻共穴。雙眸瞑。倒做了雞犬齊仙拔宅升。小生盡室捐軀。異鄉埋骨。魂魄難聚。九原見孫不能一拜。真令人痛心裂眦也。全拜介。麥飯紙錢何處領。慚雙客。不若兩箇兵。外。兩兄不必過勸。今夕且在此一宿。明早五鼓各裝

第五十卷

星下之流。混出城門去罷。可吹角介。你聽賊營中又早起更也。

逸韻淒然

尾聲晚鐘鳴。蒲團定。陳兄可取出草帖來待小弟展玩。過借消長夜何如。中淨使得合照龍蛇。偷剪佛前燈。還只怕屋後悲風送鬼聲下。

第二十齣

私葬

亂後風光不  
理道省

未盛甲引仙。醉扶歸。曉騎鐵馬霜蹄驟。寒雲幾片上兜鍪。殺氣如煙蔽林丘。孤城半掩無人鬪。俺吳王麾下先鋒趙

天元是也。奉令巡哨村落左右。前面什麼地方。卒是烏金

桂林霜

卷下

三

舖了末好蕭條也。草枯蓬斷幾家閨。看飢烏滿地銜人肉。

馬驚介呀。這地下積屍狼藉。怎麼沒人收掩。卒啟爺。這

末一個是馬巡撫的屍首。末為何兩隻手上一邊抱着一

個小孩子屍首呢。卒阿呀。這也奇怪。前者兩位公子是

先殺的。如何馬大人左右樓着。莫非心下捨不得。顯此

靈異。哪那一個是大人腦袋。這兩個小腦袋。便是公子

末咳。可憐可憐。還有那九個呢。卒這都是他的下人。那

一個白頭髮的叫做諸老道。這一個些牙裂嘴的是韓

廚子。末下馬介。你看大人面貌如生。雙眸刻炬。怒氣勃

賊且下拜

乃是豚魚之  
格

望然可怖

正大光明盜  
亦有道

然，好怕人也，待我磕個頭兒拜介。

醉羅歌仰眠，握爪穿拳透，眼光橫射兩兒頭。生挾銅肝一  
身休，死舒鐵臂把雙雛。攬。這是幾時的事，卒是前月十二  
之事，今已四十餘日，軍令不許收殮，末豈有此理？這是孤  
忠奇節，非同寇讐。忽令荒原暴骨，輕拋髑髏，干犯着神噴  
鬼怒天難容。你們到左近，叫些鄉民來，卒是下末精長在  
屍未朽，寒郊請立國殤邱。

大人合省 在外扮二父老，上子孫陣亡盡，垂老不得安，幸有牙齒

存，所悉骨髓乾，父老叩頭末，你們這裏可有什麼古廟

桂林霜

卷下

天

空園寄埋骨殖的所在，生只有城北廣福寺內，後面菜  
圃甚寬，可以用得末。這地下屍身，你們可認得？小生這

就是我們此地福星馬大人，合省沾恩的末。我如今賞

與你們些銀子，就托你二老去叫些子弟們來，將此去二

個屍首，好好遷去寺中埋葬，各立小石一塊，寫記姓名。

日後恐他有親戚人等前來尋覓，以免迷失。二老難得

老爺開恩，這四十餘日，我們百姓過此地者，人人含淚。

只是不敢多事，今蒙使令，倘元帥又來查勘，小老們便

當不起呢。末不妨我自回覆元帥，你們作速辦理去生。

殘破可憐

指畫周詳

還請老爺留下姓名。倘日後有人來攬取時，也使他知  
爺大德。末道也不必我叫做趙天元。小生老爺真是好

醉羅袍。生小生冷荒村。店燬無棺柩。窮簷骨凍少衾。破

土開山禮難周。從來藁葬多將就。末父老們須要尊卑分

穴。未可賢愚一邱。立箇墓臺新碣。寫出青門故侯。合劫灰

畱記昆明後。

末我且別去。明日到寺中相謝。三老恕不送了。末策馬

介遺骸暫借蓬蒿掩。逸事都憑父老傳。引三卒下生不

桂林霜

卷下

完

料賊營中也有這等好人。我們卽去糾合鄰舍男女前  
來將各位首級纔好。擡到寺中去。小生老哥。我前日偶

然步到廣福寺。纔曉得馬夫人領着媳婦女兒侍妾及

穴奴婢們共三十五日。同日盡節。也被兩個賊將焚化。封

記先送在寺中埋了。今日恰好又有此事。只怕皆是忠

魂暗中使令的。呢生正是和你快去料理來。小生請

羅袍歌哭。奠三杯。村酒剪黃錢。一陌樹向新邱。那裏有祁

連高塚。葬通侯。只落得垂楊半樹。生枯肘想前日。生依土

室妻孥並囚到今朝。歿依土穴。家人聚頭算雲車風馬聯

收拾全文雙  
管齊下是血  
是淚

鏢又長城窟青海阪古來白骨仗誰收新魂哭舊鬼愁天陰雨濕共啾啾全下

第三十一齣商議郵學士上

商高陽臺引外扮大世掌絲綸官居鼎鉉中書慚任調燮

邊事紛紜六官俱待裁決寸地尺天皆入貢奇祥異瑞爭

來送安得壯士挽天河淨洗甲兵長不用老夫東閣大學

士是也自從十三年廣西孫延齡作亂巡撫馬雄鎮遣子

世濟世永孫兒國禎及幕客李子燮朱昉先後來京告變

六月具題發部議敘該部覆奏俟彼地平定之日再加陞

桂林霜 卷下 三

賞今歷五載四月內將軍傅宏烈奏報馬雄鎮男婦主僕

合門盡節共計三十八日九重震悼發王大臣等會同

閣部議加褒卹章凡三上聖意總以酬庸太輕仍命從

優改議昨又會疏具題且待各部堂官到來恭候命下便

了末淨中淨上持衡司禮專樞密聽履聲同上金闕末俺

吏部尙書淨俺禮部尙書中淨俺兵部尙書這是內閣了

請衆中堂在上某等奉揖同揖外合待宣麻紫閣黃扉過

勞三接其樹人亦有垂楊半樹生枯樹樹生依上

外列公到來請坐了外正坐三尙書分侍介老旦捧本

文約全文錄  
重刊下  
標新

上卷內閣待讀學士會議本下就此送到政事堂去告  
申堂會議本發了已蒙聖旨俞允請申堂閣過票發  
外知道。老下外接本放桌上展看介奉。上諭馬雄  
鎮抗詞罵賊情忠報國並家日殉難忠貞慘烈深可憫  
惻着贈太子少保兵部尚書子諡文毅加祭二次照例  
立碑工部給與碑價。磨一子入監讀書其子馬世濟着  
補授光祿寺卿雄鎮之妻李氏世濟之妻董氏俱着各  
照本夫品級給與應得封典該部知道。三尚書。聖恩  
高厚馬中丞雖死若生矣。外

桂林霜

卷下

三

高陽臺鳳轉綸音龍銜燭樹一時照暖邊月春到泉臺朝  
廷敘忠無缺三尚書剛烈易名禮重非常典備生死哀榮

儀節全更堪誇全家矢志一般貞潔。三妻董氏。外

外吏兵二部爲查覆題奏事伏查馬雄鎮幕客李子燮

係陝西進士原任淮安府推官順治十三年被參革職

擬徒遇赦免罪朱昉係江南人曾任翰林院待詔緣事

革職今既同馬雄鎮年幼子孫潛送來京奉旨從優

議敘相應俱以知縣錄用各取同鄉京官印籍到部候

補至承差楊啟祥唐守道唐正發應各授守備給與劄

付回籍候補可也。奉旨依議。又和碩裕親王等爲題  
奏事。准傳宏烈疏稱。馬雄鎮幕客舉人孫成。儒士陳文  
煥。同平樂進士袁景星。冒險來歸。呈明雄鎮合門死難  
情形奉旨從優議敘。以示鼓勵。除袁景星吏部另疏  
題覆外。孫成請以同知錄用。陳文煥以正八品府經歷  
縣丞員缺錄用。恭候聖裁。奉旨這議敘尙輕。着該  
部從優再議。呀。推恩賞功。棄瑕錄用。丁聖朝膏澤覃敷。  
不遺微末如此。

前腔板優絕。佐郡專城。參軍守禦。恩加士卒。賓客霄漢流。

桂林霜 卷下

三

膏羣芳向榮欣悅。未只可惜他姬妾子女。以及奴婢等三  
十五人。同一死亡之苦。不能邀朝廷分寸之恩。死此乃  
格于成例。無可奈何。中淮竊見出征兵丁。不訪戰亡。但死  
于王事。皆蒙優卹。此獨不然。亦是功令申之缺典也。難。懶  
捐軀赴義。同一死。忍教他姓名埋滅。合殉邦家。公私雖判。  
殺身無別。

三尙書請中堂交閣學即日票發。以便遵奉。欽依。外三

公各回衙門理事去。合

尾聲裏忠表記懸碑碣。付南董書存史牒。還望那露布飛



南畫眉序天地變黃靈有賊衝門把寺僧駭只見兩個軍官一個姓房一個姓李說道和你寺後荒園暫借一用貧僧怎敢不允只說聽爺自便呀只見後面擡了木桶七個瓦甕十八個一擁而進說道借尸陀林裏權葬遺骸前叫貧僧幫助破土那里是老瞿曇布地求金錯認做病將軍閉門鋤菜小生那桶土可有認認丑牙牌竹筴分頭認都是馬家三代

小生是那坵丑是右邊的小生左邊這一坵呢丑這

桂林霜

卷下

三

是鄉村人隔了四十年餘日說是賊將趨天元叫他們擡來寄厝的就是馬大人和二位小公子九個下人的屍

首小生如何盛殮丑是篾簾包裹的小生死的不痛煞

我也哭倒介丑這位爺好性急他是什麼人外就是馬

大人長公子丑咳難怪難怪下外老爺醒來小生嗚咽

低消介不與見俺爺爺自與我良爵而對未識

北喜遷鶯生擁着花卿車蓋死沒箇墨子棺材當也麼災

落了些小民喝采依舊的苦雨酸風聚夜臺聽分投餓鬼

胎十九口先亡魂魄剛剩下兩兒郎一個孫孩

句始

歌者自跌笑  
者自笑

習以笑  
類言自飛笑

同部

未扮差官三襍扛祭禮上謹奉天潢酒來澆古廟墳馬

大人俺奉大將軍簡親王令旨特具祭席辦香爲文毅

公致奠卽命下官行禮小生賢王厚意冤魄傷心何以

克當未就此陳設列香案未拜小生哭答介未

南畫眉序浩氣攝狼豺守定封疆禁人賣共岳飛余關眷

屬同理持正的星象三台弄巧的罵名千載家人父子君

臣樣官場莫笑書狀諷之如餘音書八本裏裏未念餘韻

別過了小生謹謝賢王明日親來泥首末下外啟爺桂

林府備了文木靈車十副常用棺柩二十七具土工一

桂林霜

卷下

裏

百二十名前來承應小生知道了將香帛來待我行禮

外是另立香案介小生上香哭介頭首末拜水瀉說狀

北出隊子離膝下星霜七改絕音書只有魂夢來念爺娘

妻子敢丟開恰遇着歲在龍蛇劫運該奠酒介可憐這一

盞椒漿萬古哀酒賦安世醒禁人賣共岳飛余關眷

吩咐各匠敬土敬謹盛殮者外是喊各匠就此啟土丙

應介外請爺到方丈去有一外委求見小生出坐介着

他進來老旦上少老爺在上易友亮叩頭小生原來是

你老旦小官蒙先太老爺重託特來告稟小生謹老旦

十六年天老爺聞吳世倌已誅孫賊料來見逼即將

御衣盡領交與小官收藏往京呈繳奈亂兵嚴守城池不

能脫去守護三年幸無遺失今日得見小主敬來呈獻

南滴溜子這一領龍衣上秋香炫彩念收藏篋筒三年靈

曬今朝方能交代當日撫標若設有兵將呵統着三千鐵

襖怕不功成戰袍解做了失水蛟龍沒箇佈擺

小生虧你收藏待我到京奏聞或者仰邀議敘老且小

官不敢有此妄想小生取出御衣來待我拜看老且

出衣鋪桌上小生叩首介

桂林霜

卷下

美

北刮地風道雲錦天孫費剪裁記當日宮禁頒纔是解衣

推食恩無賽怕袍花血汚塵埋只舊霉痕淚點難揩還怕

似紫衣僧袈裟色壞怎肯教赤眉賊劫火焚災多謝你甲

胃邊弓箭中收藏三載對荒墳卷衣重展開敢招得老中

承魂魄歸來

南外收表下

四年內陸續死的十九日只身埋在何處老且這個小

時官盡知起先亡過的是趙老姨娘並六小姐埋在後院

內楊樹下其次亡過的是小二相公小三姑娘三姑娘

南宮精詳

真見天心似  
添如許奇艷  
越與謝水天

烘染籠衣又  
添如許奇艷  
真見天心似

南宮精詳

錦心鋪口

四姑娘俱埋在東院內梨樹下還有下人十三口一  
兒埋在西邊草房後面小生淚介老旦說起來好苦楚  
也

南滴滴金首陽山薇蕨難尋採便柳絮蘆花也無處買上

人日兩頭瓊湯下人只一頓粥湯太老爺不以爲意終

日吟詩寫字這些熬不住的便都死了全哭介老旦凍凌

兢倒斃同尸解一堆兒沒腳蟹死得來全無主宰況沒有

做簾帷和做蓋只得把破襖殘氈包着葬埋

小生好痛心那

桂林霜

卷下

七

北四門子可怎的攢心萬箭疼難耐遭的甚月晦年災敢

前生共欠了飢寒債下場頭都湊來易外委你可到後面

領些夫役分頭到土室中將各塚駁出我即令人備棺木

前來盛殮以便明日一同帶去老旦理會得小生我只怕

楊樹歪梨樹衰認不出小骷髏零星誰骨骸便做道破屋

拆亂草埋十三副殘屍應在

老旦還有一件怪事當時同在土室之人只不見了孫

陳兩位師爺連屍骨都無覓處小生你不知道他三人

背了太老爺的詩集草帖乘亂逃走同一袁進士到樞

元入木色

全無主宰中

元入木色

錦心鋪口

此段乃互傳  
之文

特筆錄之

實與公相

寫傅公却仍  
是寫馬公非  
班史不能用  
此神妙之筆

州求傅將軍申奏我家闔門死節之事方有今日許多

褒卹恩典老且原來如此先去的李朱二位師爺呢小

生李朱三位俱議敘以知縣用孫陳二位現在以知府

同知議敘承老且二少爺及小相公在何處小生都在

國子監讀書你可知傅將軍死難情節麼老且說起傅

將軍忠烈迥太老爺一般但未受四年困苦耳他來廣

西百姓愛戴猶如父母丁巳戊午二年之內恢復梧州

南平樂等處地方去年桂林平定因請出師雲南先提

旅之軍去到柳州大兵未至竟為叛賊擒去甯死不污

桂林霜

卷下

三

執至貴陽罵賊而死小生淚介老且頭銜是貴州不

南鮑老催陣雲乍開空坑一戰兵氣衰靴刀在手難自裁

便似俺太老爺呵鬚戟張毗雙裂同精采做中流兩柱橫

滄海聞得湖南雲貴罵賊死者甚多若要似太老爺四年

困厄歷久不變從容就義者一時無兩只丹心一點懸真

宰何必定平淮蔡且四處益及小相公玉同靈小生拜

小生你可趁早辦理去老且是下外上啟爺方纔啟上

之際一片異香衆人細細尋其來處却原來是太老爺

及夫夫人少夫人三塚中發出來的小生奇哉豈非正

字字生香

筆力亦透九原

氣不散乎外下小生

北水仙子呀呀墳怎開，怎怎怎湧出三條香氣，講和和和土花兒結住蒼苔，肯肯肯教那黎人樵採，向向向九泉中穿出來，甚甚甚地皮敢能遮蓋，想想想想，托住了蓮花幾座臺，共共共生天成佛香雲，飄抵抵抵抵多少柏子樹松欂。

聲色備極

外上啟爺各塚俱已啟出，請爺進去，行禮盛殮，小生哭

下外辦差的過來，淨上有外天人吩咐，明日黎明拜謝

各官午刻奉靈柩啟行，先由蕪湖到各宦祠中，拜祭高

桂林霜

卷下

三

祖別駕公再到南京，扶風書院拜講，老祖總督公生祠，要起日子到京，即扶柩到玉泉山，黑塔村祖塋安葬，星夜進發，毋得稽遲。

南雙聲子銘旌架，銘旌架，把頭踏全鋪擺龍衣案，龍衣案

四面掛流蘇，絲人夫派，人夫派，船隻快，船隻快，更多添繡

手不許延挨，

淨應上小生上官見外有小生我今夜在靈前打坐，一

上到黎明，即入城謝客，凡有官員一概辭謝，外是小生我

那爹娘呀，可憐俺。

千里迴龍一  
絲不瀆圭  
奇勇

結四弁

詩四余

奇真  
千里迴龍一  
絲不瀆圭

北尾煞一夕蒲團當苦塊。甫能向蓋棺時。認別軀骸。今夜我兄弟世永。及吾兒國禎。呵想同向睡眠中。可也哭爺奶。

第二十三齣 兩儀立祠 京集

場上設高案。帷幔上掛雙忠祠匾二木主一書。救贈太子少保兵部尚書廣西巡撫文毅馬公神位一書。

廣西巡撫忠毅傅公神位啟祥上。 算命何曾識子平。

誰知驛馬帶長生。用神今日纔拿着。官祿宮中有將星。

俺楊啟祥與唐守道唐正茂。俱是撫院承差。因先後送

馬公子等人京。皆邀恩賞武職。後來外委易友亮。又以

收藏龍衣有功。亦蒙議敘。一併發回廣西補用。今撫標

檄林霜

卷下

單

添設兵額。卽將我等分授四營守備。好不體面。合省士

民。思念馬傅三公忠烈。公請建立雙忠祠。撫臺郝大人

題奏。部議允協。奉旨准行。郝大人道我四人。是馬公

舊人。卽委督工建造。前日告成。昨日我等四人設祭。

壇紳士。父老設祭。一壇已過。今日撫臺親來祭奠。只索

伺候。他三人敢待來也。老且盛甲上。兩酒夜饒諸葛鼓。

推牛朝祭伏波祠。我易友亮蒙恩補授廣西撫標後

營守備。來此是雙忠祠了。丑易哥來了。三位唐哥。吡老

且撫臺五鼓奉有密旨。往梧州公幹。把三位唐哥帶去。

禮序敕印

結龍衣

禮序敕印

補敘恩禮

禮序文

桂林霜

卷下

聖

了。丑今日祭祀却怎的來。老旦撫臺轉委兩司道府行禮。恰好是孫李朱陳四公都是當年幕客。真覺奇異。正易哥我有一事問你。前歲你到土室中。擲出馬爺巡撫敕印。埋在何處。老旦就在後院楊樹下。六小姐墓側。丑記得孫延齡曾將印敕討去。如何却埋在此。老旦你不知道。那討去的印。是諸老道另鑄的。敕書是孫師爺另贈的。丑馬爺好作用。你擲的印敕呢。老旦少老爺帶入京師。同龍衣奏繳。聖上卽將黃御袍仍賜少老爺了。丑大人靈柩到京師。如何光景。老旦那年是十月時節。靈方抵京。聖上特遣國舅賜奠茶酒。次年七月。又遣內大臣等到墳上讀文。致祭。並賜御筆親書碑文。殊恩異數。真是罕有的事。你當日跟着少老爺穴地逃出。扮做算命先生。一路如何光景。丑說起這話。苦不可言。和你到小房去細談。老旦是時候了。禮房爲何不來陳設。丑免不得就來的。且吃茶去。全下。淨扮禮房上衙門。出息開銷價。官得一頭吏一擔。祭祀之時共發財。發錢一半扣一半。頭牲羶瘦魚肉臭。菓品生蟲海菜爛。胡亂騙過一時長。官府出門各搶散。虧得神道度量寬。

不與小人細打算。若還當真來享用。只怕推翻大香案。  
拿着書役問口供。從實招來怎的辦。在下只好老實說。  
積弊由來同息玩。官稱戡子已不足。宅門又將成色換。  
還要例規加一五。準折出來沒幾貫。書辦衙役要養家。  
豈可認真買物件。熟食店裏租魚肉。乾果舖中借糖麩。  
瘦猪瘦羊弄幾隻。官價硬教屠戶墊。只有蠟燭不攪假。  
點了一寸便吹暗。各人分去富油燈。說道借光堪達旦。  
神道發怒說可惡。大喝一聲叫鬼判。速將此輩打陰板。  
不覺皮開與肉綻。我說道哎呀。神道從來不管事。豈可

桂林霜

卷下

望

戰乎其言

爲嘴計過犯。若要衙門不落錢。除是雄雞生鴨蛋。神道  
聽了沒得說。哼。哼。發了兩聲嘆。方知公事都一樣。鬼譚  
唐朝精扯淡。自家臨桂縣禮房便是。今日承辦雙忠祠  
祭席。大老爺們將到。夥計快將祭品擡出來。豬。臺。祭。品。  
上淨待我點數。豬二口。羊一隻。鴨一隻。雞鴨各二隻。魚  
三尾。果子二盤。時菜三豆。禾苗粟米五色。豆三盤。豬頭  
器具。絹帛二通。祭菜十二盤。五鮮五麩飯。香紙蠟燭一  
件不少。快快擺設。還有禮生一名不見了。怎好。生白鬚  
破藍衫。上姓名不入鴻臚寺。利息難同奉祀生。却喜老

來中氣足。喉嚨痰。做水雞聲。禮房先生請了。淨官府將  
到你的儀注單。祭文。呢。生儀注單。昨日呈過了。祭文今  
早發出。我已念熟了。淨聲音要響亮些。生這個自然。全

下

中呂 遶紅樓 小生上屏翰初懸肘後章 末上權泉象露冕

引子 炎荒 外上絳節新移 中淨上朱幡相傍 合齋肅共趨踰

小生 下官布政使孫成 末 下官按察使李子燮 外 下官

蒼梧道朱昉 中淨 下官桂林知府陳文煥 小生 列兄請

了我等昔共艱危 今同僚案協恭之喜 方新感奮之悲

桂林霜

卷下

聖

難已 適因撫軍出巡 命你來雙忠祠主祭 須索虔誠

將事者 三人方伯言之有理 生上請列位大老爺行禮

內發鼓三通 奏樂介 生贊介 就位 上香 獻帛 獻酒 拜興

拜興 拜興 奠爵 讀祝文 樂止 生跪讀 介維康熙二十

年二月廿旬吉旦 廣西巡撫郝浴敬率合屬文武官員

等謹以剛鬚柔毛 清酌庶羞之儀 祭告于 敕贈太子

少保兵部尚書諡文毅馬公 敕贈太子太師兵部尚

書諡忠毅傅公之神前 曰恭惟兩公氣壯山河 名光日

月 取義成仁 剛風凜烈 罵賊捐軀 髮豎皆裂 浩氣排空

死義諸人合

雙忠不贊

味未識

桂林霜

忠魂霧結，廟食千秋，恩隆碑碣，祀典欽頒，優崇雙節，茲

林屈伸，春社豆陳設，雲輦靈旌，游臨鑿格，倘饗樂，奉生拜

興拜舞，拜興焚帛，焚祝文，禮畢，生至四人合，

尾犯序，先後撫南邦，一殉封疆，一殉沙場，各盡孤忠，竟同

時有兩，小生記得當時，陳兄說馬公命相四十四歲，合遭

大變，推測抑何神也，還想父老拜香煙靈爽風雲護，丹青

形像，驅遣着雷王瘴母，赫赫衛金湯，

丑老且上列位大老爺在上，守備等打恭，小生四位督

王辛苦，一切偏勞，我輩慚愧，丑老且列位大老爺義聲

桂林霜

卷下

四

四播古道兼全，有功馬氏甚大，我等一介武夫，効勞奔

走，何足掛齒，未云位唐副爺何往，老且他三人跟隨撫

臺公幹，不及在此伺候，未好說，丑老且守備們前夕住

大宿廟廊，共得一夢，小生願聞，丑老且只現風雲驚異吉

前腔，揹頭穹蒼符使去來忙，說道卑賤捐生，難乞褒賞，入命

關天痛紛紜，國殤聽得說，似覺玉帝有旨，將嫉娘公手小

姐以及下人男女等，皆有封秩，推廣衆生命，一般悽愴，各

樣死一般，骯髒神仙位，不循資格，同薦白雲鄉，

小生冥冥之事，亦未可知，我等人人相從患難，今皆在

死義諸人合

贊

卷下

此馬宅家人存者。只有黃微二位。可知他下。落老旦少。  
青老爺賞了莊田數頃。撥他在黑塔村守墓。永不入府承。  
武進。東生如此甚妙。祀事。祀畢。議等各回衙署去罷。一片  
靈風兩盡。旗末外。傷心。只有舊人知。中淨神絃唱罷各。  
歸去。丑老旦。誰讀斜陽墮淚碑。下。

第二十四齣 齊王靈合

仙侶入淨扮諸老道符 武武合官盛甲策馬上 五雲開 蒼穹路旋 俯視處

侍表老僕

神州一片小神諸應兆。本貫江甯。投身馬府。蒙總督公使。  
用多年。老來隨公子出撫廣西。在烏金舖。同主人罵賊。而

桂林霜

卷下

聖

死上帝憐我平生誠實。念佛持齋。特授符官之職。赤文綠

侍表老僕

字掌諸天符篆。正帝又念合門盡節之人。陽世不能盡邀。  
卹典。乃云。一分封。昨日命我各處宣述。詔旨。除授已畢。且

向天門覆奏去。三霄上代披宣。碧霞宮蓬萊院。仙真皆妙

選。前面顧夫人來了。不免迎止去。下。

小旦仙裝二幡童引上

沉醉東風紫雲翹。釵梁鳳懸。絳羅袍。龍文花現。新銜署掌

侍表老僕

書仙賜銀泥丹篆。小仙顧氏。乃廣西巡撫馬公府。接。殉節

之後。游戲天涯。無大拘管。昨蒙上帝拜我紫府書仙。掌管



老子亦忙煞  
鮑紫

閻羅做弄此間是閒非局萬千

王我卸任去了符使請便淨夫火請水且天眼一觀皆是

靈紗淨戲身千變不須提分五中淨洗面粉趙太夫人神

裝領二神官上

品令璇宮去來游戲已多年家門氣運何堪再顛連遼陽

兵變廣西重搬衍老身趙氏乃馬復所之妻馬雄鎮之祖

母也昔在天啟辛酉之歲老身闔門盡節甲子一週我孫

兒為廣西巡撫又罹此禍咳雖是當焚劫火何至五金同

鍊左右前面是何神駕襍就是令孫文毅公夫婦中淨如

桂林霜

卷下

聖

此迎上去這骨肉相逢也算做雞犬雲中一笑緣下

豆葉黃歎烏金鋪下土室梁間把一家送回黃泉急切裏

不能相見人間分散天邊再圓夫人和你共死同歸有如

夢幻既荷皇家褒卹復明天帝崇封迴想人生數十寒暑

何苦貪生捨義也老且便是合這一點靈光猶在這一點

靈光猶在只算到紅塵打個盤旋中淨引隊上

玉交枝人天仙眷聚雲旗良非偶然孫兒何往生孫兒擔

孫婦面來叨謝不嫌在此相遇生來未識慈悲面駕天風

輿結死忠烈  
列自然整齊

兩袖一合

兩峰一合  
精煙雲

可卷有誤

鐘家翁

二語能束九

河能鎖三咳

筆大如紫一

唱三款

傅公如此現

身合傳中正

筆側筆橫淡

經營非同荷

作

纔得扶輦。老旦孫婦昔年夢見祖婆婆到家吟詩一首所

以依稀認得中淨不差只因禍機將接連故吟啞謎先加

勉。生老旦搨介六十年人家可憐六十年人家又傳

左右稟介前面傳忠毅公來也中淨孫媳隨我迴避了

老旦是全中淨下外花白鬚天神裝引二神將上

玉胞肚提兵酣戰死疆場雙忠並肩尊神莫非是馬文毅

公否生便是相搨介外掩樽宏烈生時在梧州得見孫陳

二客所作明公死事狀略不覺五體下拜後來喪師殞命

負罪輿尸忝附崇祠有慚祀典生忠毅公你說那里話來

桂林霜

卷下

哭

俺生無一能死多餘根既無益于保障復貽害于妻孥恚

及明公奮身殺賊力竭完忠今乃與噲等伍正當以韓非

同傳為恥如何反出此言外文毅公太言重了自古慷慨

捐生從容就義難易之間足窺持守你土室禱因此文山

屈嫂小樓尙多一載戰子卿牧羊大澤終捨一身公自云

丈夫臨事當有責育不可奪之節此之謂也宏烈敢相伯

仲乎笑書生學步邯鄲算後生繼武前賢生桂薑同性是

天然傳說騎箕象緯懸

淨上二位尊神在上諸應兆稽首生外符使何往淨上

鐘家翁  
二語能束九  
河能鎖三咳  
筆大如紫一  
唱三款

傅公如此現  
身合傳中正  
筆側筆橫淡  
經營非同荷

鐘家翁

并能附綴四  
首忠烈不但  
與法森嚴密  
實錄讀散彩

帝今日逼查雲貴楚粵四省連年因三逆之亂死事忠  
臣共有若干人明日在凌霄寶殿設鈞天廣樂大開宴  
忠筵宴其各家眷屬人等俱燥西王母阿瑤淑設旌節  
大宴謹請二位明日早赴天門去在亦復愧淨

川撥棹褒忠宴奏鈞韶帝座邊讓功臣畫上凌煙讓功臣  
畫上凌煙死無功臣忠已全挂乾坤正氣懸護山河壯氣

懸念

露出根流

前腔換頭古史忠良有萬千國史忠良後娘前雖然是載  
入青編雖然是載入青編姓和名閩閩未傳借詞人特筆

桂林霜

卷下

吳

露出根流

宣教鸚哥慧舌言入青編豈味香園閣未幹贊國人排筆  
尾聲貫穿家譜題歌扇歎文毅孫兒官職蹇只愁他哭倒  
西興破驛前

畫上凌煙萬言從三筆書全共銅絃鐵板氣難除國出康  
出謝辭也知軟語情無那聖職其奈剛腸悶有餘靈世用

大官職浮沉惟引愧怯庸人壽考亦為虛  
忠誠註經原道先生假身性分文章可得如

露出根流  
與法森嚴密  
實錄讀散彩

出共其恭于大即日五更宵寶燭燭曉天黃樂大開宴  
帝今日逼查雲貴楚粵四省連年因三逆之亂死事忠

書後

人臣死厥職。婦死其夫。子死其父。奴死其主。同一食

祿。忠事之義。敢希草草。以較犬馬。未練之志。謝

褒卹之施。俎豆之祀乎。然

國家教忠之典至隆。所以激揚風節。俾事人者洗革二

心。益惇恭斐。知雖死若生。雖亡若存。其榮顯於身後

更能保世而滋大。馬氏世篤忠貞。備遜黃龍蓋代。群

恩禮。惟同殉之子女奴婢等二十五人。未叨

矜卹。想

桂林霜

卷下

五

國初功令。例未及此。或以慎重勲勞。隄防冒濫。未可知

也。伏見我

皇上宣威闢土。賞罰嚴明。雖至微極賤之人。苟能盡力捐

軀。則

絲綸渙汗之必及。而錄其姓名。矜其妻子。使枯骸剩魄。淪

寒浹。

仁恩于九原者。咸思結草仰報。以効犬馬未終之志。嗚呼。

彼三十五人者。時命事會之遭耳。奚敢稍存遺憾歟。

此篇以神道結之。人天感應。都無二致。因申論之。使

愚賤者咸知所勵焉辛卯六月朔日清客居士書

桂林霜

卷下

至

桂林霜  
卷下  
至

卯

絲綸漁汗之必及而錄其姓名葬其妻子使節影刻楹

冰

石恩于九原者咸思結草仰報以効大馬水終之志嗚呼

彼三十五人者時命事會之鴻且災難猶存遺德

桂林霜傳奇卷下終 灑露辛卯六月朔日清客居士書

